

*Episc. Cracov.*

*Piegaczevia Adalb. Joan. Cant. Via aquilae  
super coronatos Vavelli montes.*

PANEG. et VITAE

Polon. Fol.

*Nr. 1302.*







V I A  
A Q U I L Æ,

*Super Coronatos Vavelli Montes;*

Multifariam

R E G I A.

dum

CELSISSIMVS PRINCEPS

ILLUSTRISSIMUS EXCELLENTISSIMUS & REVE-  
RENDISSIMUS DOMINUS

D. CAJETANUS,

S O Ł T Y K,

EPISCOPUS Cracoviensis, DUX Severiæ,

Eques Aquilæ Albæ,

UNIVERSITATIS CRACOVIENSIS,

Cancellarius Faventissimus

Suam Cathedram

summâ omnium lætitiâ ingrederetur;

*è Voto & Plausu Universitatis Cracoviensis,*

officiosissimô calamô

M. ADALBERTI JOANNIS CANTII,

B I E G A C Z E W I C,

Sacræ Theologiæ Professoris, Collegæ Majoris, Ecclesiæ Collegiatæ

S. ANNÆ Cracoviæ Decani, Parochialium in Chrzanow Præpositi,

in Zielonki Curati.

DEMONSTRATA.

CRACOVIAE Typis Collegii Majoris Universitatis Cracoviensis.



Sicut **AQUILA** provocans ad volandum pullos suos,  
& super eos volitans extendit alas suas.

*Dent. 20.*

Arcanum **AQUILÆ** Tuæ, à Regibus descendens,  
voluit Te Regiâ duxisse viâ, ad Pontificale Diadema,  
quo super Regale Sacerdotium Episcopus fulges.

*Biezanovi9*

Rara avis in Cælum recto quæ tramite fertur,  
Reginæ volucrum semita recta pater.  
Aspice Reginam volucrum, præit illa minores,  
Ac docet ignotis astra subire viis.

*Mansenius de Legato Fabio Phi:*

BIBLIOTH. UNIV.



JÆGERSBORG

21. 521

III







LUCKY CANAL



JOHN H. HARRIS

2



# PRINCEPS CELSISSIME.



Ublicis Orbis Poloni plausibus,  
circa hodiernum Tuum ad Ca-  
thedram Ingressum maximis, su-  
um Cracoviensis Vniversitas jun-  
git, officiosissimâ effusum in paginam,  
Præsuleis reverentissimè adsternit plantis.  
Regibus, Principibus, Protectoribus suis  
quinto jam à sæculo intaminatè fidelissi-  
ma, Te PRINCIPEM Atavîs editum Re-  
gibûs,



gibûs, PRÆSVLEM adnunc suum & CANCEL-  
LARIVM Faventissimum, quô gaudiô,  
quo cultu & observantia excipiat, compen-  
diosa hac pagina testatur. Nihil in ea fa-  
teor Magne PRÆSVL ab Arte nostra Te  
dignum, nihil ab ingenio splendidissimis  
Natalibus, præcelso & augusto Sanguini,  
Nomini Excellentissimo, nihil præstantissi-  
mis Virtutum Tuarum ornamentis par &  
consonum reperies. Tam nativis quàm  
quæsitis à virtute summis Tuis decoribus  
excessisti Magne PRINCEPS Artem & in-  
genia. Nostrorum ergo in Te Præsulem,  
Cancellarium, primumq; Protectorem fide-  
lissimorum studiorum, non condignæ lau-  
dationis præsens argumentum offerimus.  
Parces Magne PRINCEPS, pro innata Ti-  
bi Clementia tenuitati nostræ, pro incom-  
parabili bonitate Optatissime Cancellarie,  
à Tua à modo Vniversitate, parvam  
hostiam, pro heccatombe di-  
gnanter suscipies.

VIA





# V I A A Q U I L Æ,

SUPER CORONATOS VAVELLI MONTES.

**I**terum in Vavellum calame!

Iterum in Montem Coronis fulgentem ito!

Occasione pari, alachritate non dispari,  
impulsu æquè svavî, æquè dulcî obsequiô,  
aliàs ut ante, sic ito ad præsens,  
gestiens, plaudens, vectigalis.

Etenim

*Par parium ratio,*

*Lata Elegos, non Libros Tristium poscunt.*

*Fescenninos in nuptiis canebat Antiquitas, non lambos gementes;*

*Publici, plausus stylum non nisi festivum admittunt.*

Regum Mons, Montium in Polonia Rex,  
iterum mentium hilaria, animorum jubilos requirit.

Præsulum Ingressibus celebris Vavellus,

proprio Nomini ad-nunc libenter dissonus,  
minimum væ suis procul à Culminibus proscribit,  
latissimo echone trans Vistulæ littora insonat,

& secundùm quod:

*Montes exultaverunt ut arietes,*

*totus plaudit, gestit, exultat.*

B

Iterum



## Iterum in Vavellum calame!

Mons iste denuo in Montem Visionis vertitur:  
Eandem in eo Apocalypsim, nec eandem,  
omninò verò parem & similem omninò,  
reverens spectata, gaudens observa.

Admodum solennis iterum in Vavello Visio,  
æquè lætissima Polono Orbi, ac spectatissima,  
discrepat subjectis, objectis cohæret,  
differt Nominibus, convenit Nominum Magnitudine.

Anterior quippe AGNI fuerat, moderna est AQUILÆ.

Illa ZALUSCII, hæc SOLTYKII,  
utraq; verò pariter Sacra ac Honorifica, quia utraq;

Principis, Præfulis, Ducis,

solennem super Coronatos Vavelli vertices Ascensum,  
anteactum nostram revocat in memoriam,  
præsentem statuit præ oculis.

## Accelera in Vavellum calame!

secutus huc olim ascendentem AGNUM,  
sequere nunc provolantem AQUILAM.

(a:) PRÆSULEI ad THRONUM HONORIS.

Celssimo ante famulabaris JVNOSZÆ,  
famulare nunc ad idem Solium, Solis ALITI.

Evulga Vavelli gloriam calame!

Hæc ille profecto,

nec Monti Tarpeio cedit, nec Palatino.

Bubulcum enim - verò Caput,

priori Iovis Ædem Capitolium dictam,

Gentium olim spoliis onerandam invexit,

Posterior quòd exulem habitaculò excepit Regem.

(b:)

nomen ab Eo accepit.

Polonus

(a) Panegyris pro Ingressu Andrea ZAEVSKI 1747. ab Authore scripta.

(b) Palatinus Mons à Palatino Rege.



Polonus atverò Vavellus,  
innocentissimís cæsorum pro Christo Infantum Exuviis,  
vivificis Ipsius Salvatoris Domini Manubiis,  
Trabe, Clavô, Spinâ;  
innumeris Sanctorum Reliquiis;  
Divi Cathedralis Basilicæ Tutelarís,  
Regis & Martyris VENCESLAI,  
Regis, Martyris Victoricibus,  
Insigniis, Armis, Trophæis;  
Sanctissimis Præsulis SZCZEPANOVII Bustis,  
Immortalibus Regum & Præsulum Monumentis,  
Regni Cimeliis & Clenodiis,  
dives, præstans, ornatus,  
Romani gloriam Capitolii vincit.  
Exulibus nullis hospitii locò unquàm fuit,  
ast Regum multos, Præsulum longè plures  
Thronis suis excepit & Solis.

Applaudere Vavelli felicitati calame!

Octava & virtutum & Beatitudinis est summa.  
octavum sæculum agitur, à quo Vavellus,  
solennibus suorum Antistitum Ingressibus,  
felicitari cœpit, beari Decoribus.

Iverunt ad illius Fastigium,

alii cum animalium, alii cum alituum nobilissimis,  
singulis suarum vices rerum prosperas,  
singulis nova suæ incrementa gloriæ debuit.

A Gentilitiis aliorum Leonibus, Arietibus certa præsidia;  
ab Agnis aureos Tripodes & mansuetissimum Regimen;  
ab aliorum Gryphis & Oloribus optima  
sumebat pro se habebatq; auguria.



**Eluctare in Vavellum calame!**

Secundissimis hodie Avibus,  
quia auspice avium Principe & Regina,  
Bonis à Superis, & Cælo datum ab ipso,

**CELSISSIMUM PRINCIPEM**

*Illustrissimum & Reverendissimum Dominum,*

**D. CAIETANUM**

**S O L T Y K,**

Severiae DUCEM, Aquilæ Albæ EQUITEM,  
Pastorem & Præsulem desideratissimum,

suam ingredientem Cathedram,

lætissimus spectata, adora reverentissimus.

Ab optatissimo hoc Principis Ingressu,

ab honorificentissimo AQUILÆ Ascensu

optima propter Patriam & Ecclesiam auguria,

propter Vavellum, Cathedram, Diocesim,

auspicatissima omina sume.

**Viam Aquilæ super Petram,**

Regum olim Sapientissimus ignoravit.

*Calame vectigalis,*

**Præsuleæ Viam Aquilæ,**

super Coronatos Cracii Vavelli Montes,

licet ex eo solo sufficienter colligeres,

quod ad hocmet Fastigium cum solis Regiis Principibus,

**FRIDERICO, & JOANNE ALBRACHTO,**

gloriosissime olim processerit;

ab Ipso verò Principe, suam Ingrediente Cathedram,

**Viam esse Regiam,**

non unò argumentò collige,

& officiosissimam deduc in Paginam.

**Viam**



# V I A A Q V I L Æ,

AB AUGUSTÆ DOMUS ORIGINE,

Viam calame affectas Olympo,  
dum primos SOLTYKIÆ AQUILÆ quæris progressus.

Principis enim alituum,

nidum in imo nunquam invenies.

*Regia Volucres, cum plebe avium non nidificant.*

*Vulgares aviculæ, vel è humilibus arbutis,*

*vel è palustribus locis in Orbem prodeunt.*

*Solis Alitem nisi vicina Soli cubilia fovent.*

Ille est Aquilarum genius,

nidos suos non ponere nisi in sublimi.

Jovis aliàs Armigeræ,

nidificare aliter non siveverunt, nisi è proximo Jovis,

in rupium nempe & petrarum altissimis.

## SOLTYKIÆ AQUILÆ,

Regalem Nidum Prussia dedit Regalis.

Mavortix Genti habitatam Coloniam, Mavortius insedit Ales.

Sive quidem Prussiæ Albigenium Regi,

sive Gothis, Romanis, Ulmigeris,

primò cultam asserueris Prussiam,

semper bellacium Patria Incolarum fuit.

Fertilissima frugibûs Regio,

publicæ futuram frugienutrivit Volucrem.

Amænior Soli natalis Genius,

ad Soliorum fovit delicias, pavit ad amores.

Frigidiori atverò sub Jove,

quale Jovis Armigeram decebat,

generosissimo indaruit pectore.

C

Matu-



Matutinus Solis exorientis splendor,

certa succedenti dare solet prælagia diei;

Magnarum Origines Familiarum,

maxima sunt futuræ argumenta fortunæ.

Sume hic auguria calame;

Regalis in Borussia Ales,

SOŁTYKIA M initiat & simul insignit Domum,

omine nedum ad prima Illius initia, ast etiam

ad continuos perennesq; progressus felicissimo.

Magnorum eventuum certæ augures Aquilæ.

Natalibus hominum quoties astiterunt cunis,

toties supremæ in orbe fortunæ,

& obstetrices fuerunt & signiferæ.

*Regalis è sinu Lucina rapuit Ganimedem Aquila,*

*ut Iovi Deorum Regi Pocillatorem daret:*

*gemina nascentis Alexandri cunis, at Marii astutit septena,*

*geminum Illi Imperium, Hinc Imperii Fasces,*

*notissimo eventu præagunt septenos.*

Auspicatissimus Ales,

Illustrissimæ SOŁTYKIORUM Domûs Horoscopum dirigit:

Tali certò certius sub Horoscopo,

maximus Honor & augusta culminabit Fortuna.

Videbuntur congestæ Clavæ, Scipiones, Sceptra.

Fulgebunt aurei Fasces, Mitræ, Coronæ.

Talibus Lucina in Cunis,

formabit præcelsum Sanguinem ad Purpuras,

servabit ad perennia excellentissimæ Gentis incrementa,

augebit ad colligandas primas in Regnis Domos,

ad Consanguineos Imperantium Nexus,

ad Augusta cum Majestatibus foedera,

Jam-



Tam auspicata è Genesi,

prodibunt Summi Viri, ad Ipsas Orbis maximas.

Nascentur SOLTYKII, ad Celsissimæ Domûs decora,  
ablaſtabuntur ad propagandum Nominis Splendorem,  
educabuntur ad multorum Regnorum ornamenta,

ad Regum obsequia & Ministeria,  
ad Patriæ suæ firma Columnina & Præsidia,  
ad quævis bellô gerenda & pace Officia,  
ad exornandos magnis meritis ipsos Honores,  
ad Titulos Dignitatum illustrandos.

Regum Ales, Alituum Regina,

primo Illustrissimam SOLTYKIAM Domum signavit ab Ortu,  
Regalibus Illi pennis nil humile, nil vulgare,  
ast omnia Augusta, omnia inscripsit Celsissima.

Capite illa defert coronam & collô,  
Mitrâs, Tiaras, sacras Coronas,  
meritissimis SOLTYKII deferent capitibus.

Coronata in tutamen Cervicis,  
districtam armata manu frameam gerit:  
Coronatorum ad defensionem Caputum,  
stringent fortia arma SOLTYKII, & victrix ferrum.  
Alas ad volatum, pectus exporrigit ad ictus:  
prò Focis & Aris, prò Fide, Rege & Lege,  
non ibunt SOLTYKII, sed volabunt;  
pectoribus ipsas etiam in mortes apertis.

Omina quæ paginam implent,  
jam sui pridem inq; publici impleverunt eventus.  
Vidit eos imprimis Prussia, Roxolanum post Imperium,  
vidit & videt, habetq; in confesso Polonia.

Define augurari calame.

C2 VIA



# V I A A Q V I L Æ,

PRÆCELSO PATERNO & MATERNO SANGVINE.

Non sola lactans Herculem Juno,  
splendidam in Cœlis Galaxiam facit;  
Celsissima quoq; SOLTYKIÆ Domûs Lucina,  
quot præclara Magni Nominis Germina,  
foecundo ablaetavit & ablaetat sine,  
tot splendidiora iis, quæ in Orbe Galaxiæ lucent,  
Sidera in terris nutrit, & non uni Polo  
viam Lacteam format.

Æmulus astrorum SOLTYKIUS Sanguis,  
quot guttis stillat, tot clarissimis sideribus fulget;  
quot in venas diffunditur, tot esse foecundas  
inocciduae lucis scatebras noveris.

Fonti luminum simillimus, imò Fons ipse luminum;  
Sæcula suo implevit splendore & est lucis integer.  
Quot in stirpes, tot in radios se partitur,  
quolibet verò radius est Fons Luminis totus,  
quolibet luce sua Soli adæquat.

Roseum illi à Purpuris jubar, à Trabeis purpureum,  
fulgor ab Honorum Titulis Illustrissimus,  
à Ducali Prærogativa Celsissimus,  
ab augusta Affinitate Serenissimus.

Originali sua Scatebra,  
Balthici è proximo emanavit Maris,  
Prussiæ imprimis & Poloniæ animavit fortunam,  
felicitatem nutrit, aluit, sustentavit.  
Clarissima propagine Illustrissimam auxit Familiam,  
liberimum Lechi Regnum ditavit.

Sæcu.



7E. Sæculorum 'deinde tractu,  
per amplissimas Gentes, Regna & Imperia diffusus,  
gemmeos Viros, sive Virorum protulit gemmas,  
illas quoq; suo dedit de sinu Conchas,  
quæ Thronis & Coronis Uniones parerent.

Ex Splendidissimo hujus Sangvinis,  
ceu altero Solis ipsius Fonte,  
quicunq; in Orbem prodierunt Viri,  
fuerunt omnes inoccidua Filii lucis,

Luciis illustriores Romanis.

Primorum luminum fluminum ingentium,  
naturam induit, imitatus indolem,

Præcellus SOLTYKIUS Sanguis.

Non uni Polo allucent Soles;

non unam Provinciam Nilus alluit.

Spargit lucem in Universum Titan fusiore coma.

Grandiores Fluvii

postquam contiguas humectaverunt ripas,

adjacentes circūquaq; aggeres inundant.

Magnis SOLTYKIO è Sanguine Heroibus,

unum Clima, unum non sufficebat Regnum.

A Balthico itaq; Mari, ad glaciale Oceanum,

à nativis Regalis Prussæ oris,

in albam cum Sedibus suis,

concesserunt Russiam.

Amplissimo illo in Imperio,

gratissimi Advenæ, Indigenæ honoratissimi,

Non solas duntaxat inibi Sedes,

ast ipsa Summorum Ducum, Principum & Procerum corda,

affectusq; invenerunt sibi patentes.

D

Gene-



Generosissimæ pro pretio Indolis,  
pro Polonæ justissima æstimatione virtutis,  
pro innata & ipso accepta cum Sanguine dexteritate,  
à primo in Roxolanam Monarchiam adventu,  
maximis haberi cæperunt in Honoribus, ornari Titulis,  
prima assumebantur ad officia; & implêrunt ea gloriosè,  
provehantur ad Ministeria, & gesserunt illa laudatissimè.

Veratissimorum ingeniorum acie,  
eadem cum Gentilitia excellentes AQUILA,  
intimis quibusve Aulæ adhibebantur Consiliis,  
difficillimis Imperii admovebantur negotiis,  
in Pace & Toga Consules, in Sago & Bello Duces,  
utrôq; titulô commendatissimi,  
utroq; nemini secundi.

Summâ rerum agendarum Prudentiâ,  
magnanimitate, & bellica fortitudine incomparabili,  
domi forisq; luculenter probata pollentes,  
adscitiæ tantùm profuerunt Patriæ,  
tantùm fortunam Illius auxerunt & gloriam,  
ut plûs Mânili, Metelli, Scipiones, nunquam  
poterant auxisse propriæ.

Unum è multis vectigalis innuit calamus,  
Illustrissimum & Excellentissimũ Dominum,

MICHAELEM  
SOLTYKIVM,

*Roxolani Statûs Ministrum & Palatinum.*

Quis & Quantus Hic fuerit?

mirabatur Moschua, nec sufficienter capiebat;  
spectabat multoties Polonia, nec satis  
æstimare appretiareq; poterat.

Quot



Quod olim Latio Fabius,  
hoc œvô suô SOLTYKIUS fuerat Moschuæ.  
Cunctando Ille rem restituerat Romanam,  
Hic prudentissimè consulendo Roxolanam.

Rebûs Molchoviticis,  
nedum in pessum, ast penè ad incitas protrusis,  
**MICHAEL SOLTYKIUS,**

apparuit Angelus Consilii, Angelus Imperii Custos.

Admodùm communia sunt  
Regnorum fata, vicissitudines Regum,  
quidquid aliquibus contigit, singulis contingere potest.

*Impugnant serenum solem caliginosa nubes.  
Latum Jovem turbulenti Affrici vexant,  
Sunt tristes maximis Conversiones Imperiis.  
Sunt funesti Imperantibus Climacteres.  
Sunt Dominis sua flagra Sceptris.*

Eripuit supremos Fasces Assirio Medus,  
Medo Imperium Persa, Persæ Græcus Macedo,  
cessurus & Ipse Romanis.

Darium, Polycratem, Bajazetem,  
Monarcharû fortissimos ac fortunatissimos cogita:

Maximîs œvô suô his cùm Regibus,  
opibûs & potentiâ nemini protunc comparandis,  
quænam novercans fatum prodigia non fecit?

Isto vices alternante terrenas,  
amplissimum in Septentrione Rossicum Imperium,  
affectos funestis cladibûs suos Exercitus,  
amissos infestis bellis, strenuos Duces graviter,  
ast subductum Solio Imperatorem,  
longè gravius quondam doluerat.



Ita prorsus  
nullæ majores possunt evenire Imperiis,  
quàm Imperantium Principum jacturæ.

**Siste primi Mobilis cursum,**

tota superior Orbis Machina immota hærebit.

**Tolle è medio Astrorum Solem,**  
Cælum caliginis sedem effecisti, non luminis.

*Quod sinè Gubernatore navis,  
hoc sinè Rectoribus suis sunt Imperia.*

*Principis vita, populi salus.*

*Incolumi Rege, mens omnibus una,  
amisso: rupere fidem.*

Querendus proinde omninò erat,  
robustus Atlas, qui Roxolanum portaret Orbem,  
gnarus Gubernator, qui vasti Clavum regeret Imperii,  
novus Princeps, qui amplissimam gubernaret Gentem,  
numerosissimos æquò regeret Imperiò Populos,  
orbatò Sessore suo Augustò Czariò Soliò,  
non præesset solùm, ast & prodesset.

**Orbis hìc judicium esto!**

Quanta SOLTYKIIS omnem in Patriam fides,  
quanta primis maximisq; in negotiis activitas,

Quibus amplissima inter Europeas Gens Moschovitica,

**Quibus numerosissimi Roxolani Status,**

difficillimum deligendi sui Principis munus,  
concrediderunt concorditer, commisserunt uniformiter.

(c) *Commisssa est ab omnibus Ordinibus de summa Imperii  
tractandi facultas, Michaeli SOLTYKIO, & Joanni Ejus Filio,  
& quidquid Illi statuerint, ituros esse  
in Eorum sententiam Ordines.*

Quidnam



Quidnam sit majus  
darenè Regibus populos, an Reges populis?  
Politicoꝝ disputationi relinquo.

Poterat utrumq; facere, utrumq; præstare poterat,

**MICHAEL SOLTYKIVS.**

Authoritate Summus, prudenti consiliò,  
dubites feliciornè an gravior?

Eligendi Magni Moschoviæ Ducis unicus ferè Arbiter,

Gemmeum Jagelonici Sanguinis,

at verò

Regium Poloniarum Principem

**VLADISLAVM,**

Magnum dedit Throno Roxolano Ducem.

(d) *Idem Ipse Legationis Princeps disertissimis verbis,*

**V L A D I S L A O,**

*totius Imperium Moschoviæ detulit.*

**Jo Triumphe cane!**

Magnorum Præco Bellatorum Fama,

*Illustrissimo & Excellentissimo,*

**JOANNI SOLTYKIO,**

*Majoris PALATINO Novogardiæ,*

*Careæ Majestatis DUCI Exercituum Supremo,*

Heroi ætate sua nemini secundo.

Bellatori nèdum Magno, aſt Maximis Majori.

Patre Gradivò, Matre Bellonâ natum dixiſſes,

Patrem intrepidâ, Matrem impavida ſpirabat fronte,

utrumq; invictò fovebat animò.

E

Ducibus

(d) Kobierzycki ibidem.



Ducibus quos prisca ætas,

Clarissimos habuit, & coram Orbe jactavit,  
nedum comparari ast longè præferri meritissimus.

Bellicis indeffessum laborem in negotiis,  
industriam in agendo, celeritatem in conficiendo;  
consilium in providendo, prudentiam in disponendo;  
omnes nempe & singulas virtutes,  
quæcunq; in Magnis desiderantur Imperatoribus,  
enixò affectus studiò, pari retinuit.

Rerum hinc Illi,

innumeris ferè in bellis optimè gestarum,  
summa apud Heròes gloria, apud Cives æstimatio summa;  
ingens apud Careas Majestates & amor & favor.

Bellonæ Triumphis JOANNEM commendatum,

utraq; celeberrimus Pallade sequitur,  
Illustrissimus & Excellentissimus,

P E T R U S

S O L T Y K I V S,

*Palatinâ itidem in Moschovia Curulî Insignis.*

Innuît SOLTYKIUM calamus,

at-verò convenientissimò titulò

Magnus rerum Moschoviticarum Stator vocandus erat.

Sui enimverò Nominis Petræ,

& quod longè satius veriùsq; dicendum est,

prudentissimo Hujus Senatoris Capiti,

altissimis sensibùs, providentissimis consiliis,

amplissimus cum ingenti negotiorum mole Rossicus Orbis,

tam solidè insistebat, innitebatur tam securè,

ut Romanum quadrato Saxo Capitolium,

nec firmiùs innitatur, nec securiùs.

Non



Non sola duntaxat  
grandævæ veneranda ætatis canitie,  
Græco Magnus Senator adæquaverat Nestori,  
ast toti Moschoviæ Senaculo,  
ob gravitatem oris, consumatam judicii maturitatem,  
redivivus audiebatur credebaturq; Nestor.

Nexu Sanguinis Germanô junctus,

**PETRO SOLTYKIO.**

veſtigalem ſuccedit in paginam,

*Illustrissimus & Excellentissimus*

**B O R Y S S I V S**

**S O L T Y K I V S.**

Supremus Curiaë Roxolanæ

**M A R E S C H A L C U S.**

Lucidus Ille Castor, Hic Pollux fulgidus,  
Uterq; Sidus à Præcelſo ſanguine ſplendid ſſimum,  
à collecto magnarum virtutum jabare illuſtriſſimum,  
à congenito animi candore lucidiſſimum,  
Principibus ſuis ſidiſſimum & peramicum,  
Patrio Orbi fortunatiſſimum.

Magnis ſuis virtutibus debitum & meritis,  
Mareſchalcalem Moſchoviæ portabat Scipionem

**B O R Y S S I V S.**

Iple ſolidiſſimus Scipio,  
firmiſſimum tanti Imperii fuerat fulcrum & columen.

Suſtinebat ſummæ robore prudentiæ,  
publicam Roxollaniæ fortunam, ne unquam nutaret;  
magnis & fortibûs firmabat conſiliis, nè corrueret;  
malignantiû ſub impetu ſi collabebatur fatorû,  
erigebat cadentē, ſublevabat prolapſam.



Mercurium dixisses Caduceo Insignem,  
Mareschalci enimverò Virgâ,  
non quidem colluctantes adinvicem serpentes,  
ast serpentina inter Cives omni nociviora toxicò,  
componēbat odia, sopiebat rixas, dissidia dirimebat.  
Alas quoq; Scipioni suo defuisse nè putaveris;  
Formabat has publicus, addebatq; amor.

Tacitâ istius flammâ  
intima nobilissimi in Mareschalco pectoris præcordia,  
gratissimis illabente & pervadente stimulis,  
in quævis pro communi Patriæ bono,  
ardua, difficilia, obstantia,  
non tam ire, quàm volare videbatur  
M A R E S C H A L C U S.  
Angelicâ esset necessum pennâ.  
ad scribendas condignas laudes & debita encomia;  
Illustrissimo & Excellentissimo,

M I C H A E L I,  
S O L T Y K I O.

Secundum Michaelis Nomine SOLTYKIUM,  
vectigalis memorat & recenset calamus.

*Est profecto Iste,*  
tempore posterior, remotior ætate,  
at sanguine, virtute, meritis, & gestorum gloriâ,  
hâc prius memorato in pagina par per omnia,  
imò cum Illo omnino Idem.  
Uno Illustrissimæ Lucinæ ablactati gremiò,  
etiam in uno generosissimæ virtutis educati sinu,  
uno illius pasti esse videbantur  
ubere & mamillâ.

Solæ



Solæ duos discernebant Personæ;  
Duabus in Personis licet si multiplex esset imò omnigena virtus,  
quasi tamen eadem numerò & individua cernebatur.

Utroq; in M I C H A E L E  
S O L T Y K I O,

elucebat idem fervens suam in Patriam amor,  
idem enixum in Bonum commune & publicam fortunam studium,  
eadem illibata in Principes fidelitas,  
idem in Magnos Duces obsequium.

Nunquam tantum Clitus pro Alexandro,  
Antipater decertavit pro Philippo,  
quantum uterq;

M I C H A E L S O L T Y K I U S,  
pro Magnis Moschoviæ Ducibus,  
vel ad vacans deligendis Solium, vel manutenendis in Solio:

Debuit Roxolanus Orbis,  
M I C H A E L I S O L T Y K I O,  
*memorato superius PALATINO,*

quæsitum ex J A G E L O N E A Stirpe,  
Principem optimis meliorem,  
*Magnum SIGISMUNDI III. Filium,*  
V L A D I S L A V M,

Debuit orbata denuò Magno Duce Russia,  
M I C H A E L I alteri S O L T Y K I O,  
ad sui Fasces & Gubernacula Imperii,  
legitimo successionis jure optimè innixum,  
ast scissis Civium in diversa studiis,  
labefactata spe non modicum nutantem,

M I C H A E L E M  
F E D E R O V I C I V M.



Longum admodum esset,  
recensere SOLTYKIORUM Singulos,  
singulos vectigalem revocare in paginam,  
immortalibus pridem insepultos excitare de Bustis,  
uniq; ad præsens labenti visendos exhibere sæculo,  
Qui per longos multorum sæculorum tractus,  
deductis ab aliunde nativis sedibus,  
mutatis Diis Penatibus, Lareq; primævo,  
in amplissimo Roxolano Imperio,  
peramico Lucinæ fidere, & quod verius est,  
Diis ipsiis Magnæ Domui ab Alto faventibus,  
Illustrissimâ propagari Genesi, aucti Propagine,  
nedum clarissimis stirpibus, germinibus, præcelsis,  
ast summis virtutibus, meritis, gloriâ,  
Roxolanum auxerunt, accumulârunt Imperium.  
Implerunt Illi grandes Rossicæ fastos suis Nominibus.  
Præclaris & immortalibus gestis, totos Annales.

Legi in Illis hucusq; possunt & videri,  
Alii Cancellarii, Mareschalci, primi Curia Ministri.  
Alii intimi Aulae Secretarii, Belli Duces Supremi.  
Calent adhuc Eorum meritis Roxolanæ Curules.  
Fervent ignea virtute Moschoviticæ Clavæ.  
Appretiantur aureâ svadâ Scipiones, fidelitate Sigilla.  
Spirant consiliis Augusta Imperii Conclavia.  
Audiuntur eousq; Bellonâ & Pallade Clarissimi,  
omnibus Imperii Honoribus Ornatissimi,  
omnibus Dignitatû Titulis Illustrissimi.

Regalis Aquilæ Pulli Generosissimi.

Opibus, Fortunâ, Hærediis Permagni.  
Gestis & Virtute Maximi.

Hic tan-



Hic tandem Calame!  
optatissimos æquè ac fortunatissimos,  
Poloniæ adora Indigenas

## S O Ł T Y K I O S.

Ornatâ primis Illustrissimæ Domûs Stirpibûs Prussiâ,  
impletâ Ducibûs, Ministris, Proceribûs Russiâ,  
Bello, Pace, Domi, Forisq;

Clarissimum SOLTUKIORUM Nomen,  
Polono cæpit allucescere Orbi,

*Et eousq; illum,*  
indeficienti Celsissimi Sanguinis Propagine,  
implet, ornat, ditat, illustrat.

Bracławiensis, Kijoviensis, Czerniechoviensis,  
latèprotensi Poloniæ Palatinatus,

Liberum satius Reduces, quàm Advenas in Regnum

## S O Ł T Y K I O S.

Lætis Illustrissimos Indigenas suos exceperunt Sedibûs,  
longè demum latiori rerum ac fortunæ eventu,

Optimos totâ Polonia Cives,  
prudentissimos Consules, Herdès dexterimos,  
adtunc recepit, & gaudet adnunc habere.

Quanto primævam amore in Patriam,  
ad Polonum Illustrissimi SOLTUKII redierunt Regnum,  
luculentissimô id testatus est documentô,

Illustrissimus & Excellentissimus

V L O D I M I R I V S

S O Ł T Y K I V S.

*Czerniechoviensis Palatinus,*

Princeps Celsissime

Tuus Abavus.



**Nulla hujus Senatoris animo,**

nulla cordi major, nulla gravior insedit jacturâ;  
quàm unius perdilectæ carissimæq; Patriæ.

**Cum avulsa à Regno fatô temporum Czerniechovia,**

avelli à se maluit peramplum opulentumq; hæredium,  
quàm se ab unicè adamata Patria.

**Poterat vis hostilis subducere Viro Maximo,**

partas summô meritorum pretiô suis à Majoribus fortunas,  
at Illum Ipsum à liberrima semovere Gente,  
nequaquam poterat, nec semovit.

**Litavit Patriæ VLODIMIRIUS summo amori,**

Bona quanta Czerniechoviensi in Palatinatu habuit,

(e) Lege edictoq; publicô testata Patria  
gratitudinem, VLODIMIRIO quantam debuit.

**Iisdem Magno cum Genitore encomiis,**

iisdem magnis celebrandus venit laudibus,

Qui à gloriosissimis Paternis vestigiis & factis,

nec latum (ut ajunt) secessit ad ungvem,

**Illustrissimus & Excellentissimus,**

**B A S I L I U S**

**S O L T Y K I V S.**

Czerniechoviensis Pocillator,

**Princeps Celsissime,**

**Tuus Proavus.**

Quanto Palatinus Pater,

Czerniechoviensibus Terris decori & ornamento fuit,  
tanto & non minori POCILLATOR Filius.

**Magnus Ille Senator, Hic Magnus Eques,**

Ille Consulari Togâ, Hic Militari Sagô,

Ille Civili prudentiâ, Hic commendatissimus Victoriis,

**At verò**



At verò uterq;

pari de Religione & Regione meritò,  
de amplissima liberrimæ Gentis Republica obsequiò,  
de Coronatis Poloniarum Capitibus,  
fidelitate per omnia pari commēdatissimus.

Nec Romæ Curtios, nec Codros Athenis,  
invidere protunc poterat Polonia;  
quando in uno sæculi sui Heròe Maximo,

BASILIO  
SOLTYSKIO,

contra omnem conjuratorum fatorum voraginē,  
contra hostium colluviem ingentem,  
non uno contra se Orbis à cardine motam,  
& Curtios habuit & Codros.

Joanne Casimiro Rege,

liberrimo in Regno infelicissimi regnabant calus.

In deditam Marti & Bellonæ ab antiquo Gentem  
& Bellona & Mavors abundiq; sæviebat infestus,

Integrâ vix non Europâ,  
datum contra Poloniam signum, Classicumq; dixisses;  
Bella tunc oriebantur è bellis, prælia è præliis.

Non jam unius exitium, alteri initium dabat.

Ast luctuosissimo illo rerum Polonarum Statu,  
unicò plura nascebantur momentò.

Plura simul ceu è septicipi Hydræ pullulabant capite.

Non jam alterna vice, hostis succedebat hosti.

Non è vestigio inimicus miles superveniebat militi,

Non tot olim prægrandi Danaòs ab utero,

Synonius ad Trojæ excidium profuderat equus,

ut gravida malis illius fortuna ævi,

ad ultimam Poloniæ ruinam.



## Rebelli Cosaco sociatus Scythæ,

bellax Svecus, tumidus spe Regni Transylvanus,  
simultaneis Poloniam aggressi armis, ut inermem redderent.  
Bellicas junxerunt Vires, ut enervarent Regnum.

Militares Copias coadunârunt & potentiam,  
ut & copiis Casimirû Regem & potentiâ imminuerent.

## Rara phœnix in terris, ast longè rarior,

amica in improsp̄ris fidelitas, fidelisq; amicitia.

Grande hoc in Orbe infortunium,  
non privatos solûm consuevit afficere homines,  
illis etiam persæpè audiebatur commune,  
quos supra communem hominum sortem,  
Augusta Majestatis elevavit Dignitas.

*Latus prævio jubare,*

*Orienti Soli applaudit Phosphorus.*

*Latus ad sua incunabula deducit Occidentem Hesperus.*

*Si atherem Africi, si Cælum nubila vexent,*

*Sidus illud sereno fidelissimum Phæbo,*

*nec anteire suum Principem videbis nec sequi.*

## Raros admodum inveneris,

Pirithoos, Nestores, Achates, Ephestiones,

suorum in utraq; fortuna Principum,

fideles & individuos Comites,

æquè bonæ ac malæ participes.

Plurimos verò quodlibet Tibi sæculum dabit,

Bessos, Arbaces, Harpagos,

fallaces omnemq; mutabiles ad ventum Prothèos,

obversò ludentis fortunæ velò,

nedum suis turpiter à Dominis profugos,

ast plerumq; ultimi propter Heros dispendii,

sceleratissimos Authores,

Memo-



Memorando sæculis exemplò,  
**B A S I L I U S,**  
**S O Ł T Y K I V S,**

*Serenissimum suum Principem,*

**Casimirum Joannem,**

in omnibus terrenæ vicissitudinis momentis,  
tam constanti animò, tam fidò & indivisò comitabatur gressu,  
ut non fideliori Heliotropium sequitur Solem.

Non protunc duntaxat,  
dum Regis fortuna cum Oriente fulgebat Sole,  
etiam dum conjuratus vix non totus Septemtrio,  
splendorem suum ingenti misceret turbine,  
dum vicinus Oriens, & res ipsæ domesticæ,  
suo à cardine motæ & in contrarium actæ,  
non unò Serenitatem Principis affligerent nubilò,  
assistebat BASILIUS Majestati,  
fidelissimò consiliò, præsidio, obsequiò.

Quàm inconnivè oculò, & illibata pectoris fide,  
SOŁTYKIA Coronatos Soles prospectet & sequatur AQUILA,

**Joannes Casimirus,**

suò edoctus experimentò, suò evulgabat testimonio.

Non solius duntaxat Nominis,  
ast & Paternæ veri fuerunt Hæredes Virtutis,

*Illustrissimi & Excellentissimi*

**REMIGIUS & ALEXANDER**

**S O Ł T Y K I I,**

**Uno Eodemq; Casimiro sub Rege,**

unius in Majestatem fidelitatis, in Patriam amoris,  
Paternis omnino paria documenta dedere.



Czerniechoviensis Palatinus

REMI GIVS,

Senatoriam Purpuram, quam Patris modestia non admisit,  
& suis debuit magnis meritis & Paternis.

Coronare voluit Rex iustissimus,  
virtutes in Filio, quas summè æstimavit in Patre.  
Appretiavit merita, quæ Patrem vivum reddebant in Filio.

Ornavit Palatino Remigium Honore,  
at Hic Se Ipso Palatinos Fasces & Honorem.

Senatoria cum Eo Curulis,  
ad illius summam gloriam assurrexit Prudentiæ,  
quam Polonia in Magnis Proceribus & Senatoribus,  
sæpiùs optavit, ast rariùs habuit.

Germanus Remigii Frater

ALEXANDER,

*Bractaviensis Pocillator,*

Princeps Celsissime

Tuus Avus,

Magnùm non frustrà prætulit Nomen.

Heroicorum enimverò factorum,  
correspondit illi gloriâ, adæquavit omninò magnitudine.

Feracissimò illo bellorum sæculò,  
Polonorum Heròum Phoenix & facilè Princeps.

Veterum Scipionum Camillorumq; Historiam,

bellacissima æquè ac victrici manu,

in Se Ipso Polono descripsit Orbi.

Sub tribus immortalis famæ Ducibus,

Wilniowieccio, Jablonovio, Potoccio,

Ducem agere dignus Comilito, in Castris continuus

Solus integra formare poterat Castra.

*Affidnus-*



Affiduus in bellis,

in præliis frequentissimus.

Nunquam vacavit à ferro, feriavit ab armis,

Polonæ Militiæ Nomen ab adolescentia dedit.

Vitam panè integram sub Dio & Tentoriis vixit.

Mavortius Illi Clypeus & Cassis,

ipsam ferè versa fuisse videbantur in eutem.

Militari semel accinctus Baltheô,

solvi eò hucusq; noluit,

donec mors ipsa vitæ suæ stamina solvisset.

Nullam Poloni Martis non descendit in aciem,

nullam heroicô vestigiô non trivit arenam.

Generosissima Patricia cum Aquila,

Polonæ contra quosvis hostes auspicate præivit.

Ad referendam Victoriâ certò certius præludit.

Incomparabili dexteritate hostilem semper sustinuit impetum,

fortitudine vim fregit & potentiam.

Sanguinis & ipsius vitæ prodigus.

Utrumq; pro Patria Bellonæ in victimam tulit.

Utroq; dum carissimæ incolumitati vellificaret Patriæ,

à Diis bonis Patriæ incolumis servatus.

Momentaneas illasq; inter millenas,

quæ sanguinariis nascuntur in bellis mortes,

non tantum impavidus mori, ast etiam anhelans,

aperto ad omnem ictum generosissimo pectore,

dum sæpè mortem provocaret & lethum,

utroq; superior eminuit, & evasit.

*Formidavit nempe illum mors ipsa Herodém,*

*Qui animosissimus non formidabat mortem.*

*Timuit Lethum, non timentem se Bellatorem.*

*Contemptorem fatorum animum,*

*reverentiùs habuerunt fata,*

*& vitârunt studiosius.*

H

Ukrai-



Ukrainenſes, Chotimenſeſq; campos,  
profuſo hoſtili multoties ſubmerſit ſanguine,  
ex illis per medios cadaverum acervos ſemper illæſus rediit.  
Juſtè omninò dubites, fortiornè an felicior hic Heros fuerit?  
Lydius tamen Ille Bellatorum Lapis,  
Rex inter Herodès, inter Reges ſummus Heros,  
Hoſtium cævò ſuò Terror, Orientis Domitor,

**Joannes III. Sobieſcius,**  
bellorum à ſe geſtorum individuum Comitem,  
Victoriarum & triumphorum magnam partem,  
**REMIGIVM SOLTYKIVM,**

æquè fortem Bellatorem ac felicem,  
Herodèm Magnis Majorem, nec Minorem Maximis  
vivò Regiæ vocis edixit Oraclò,  
datò multoties publicò æſtimavit encomiò.

Regibus ab ipsis commendatiſſimus Heros,  
exſoluta tandem mortalitatis lege,  
ingens ſui quod in Polonia reliquerat deſiderium,  
nameraſa Magnorum Filiorum ſerie,

ex **GOLYNIA & MYCIELSCIA,**

Illà primi, Hac verò voti ſecundi,  
Conſortibus ſuis ſuſceptorum compenſavit.

Primum ex His adorat calamus,  
Illuſtriſſimum & Excellentiſſimum,

**JOSEPHVM**  
**SOLTYKIVM,**  
Lublinenſem Caſtellanum,

**Princeps Celiſſime,**  
**Parentem Tuum Æſtimatiſſimum.**

Accre-



Accrescentis Hic sub Nomine Filii,  
immortalem Magni sui Genitoris gloriam,  
amplissimam SOLTYKIANI Nominis famam,  
avitos Celssimæ Domûs splendores,  
gloriosissimâs sublimiùs provexit augmentis.

Non semel liliaceum Josephum noveris.

Primus Illi animi candor,  
ab ipso Augustæ Lucinæ lacte venerat,  
Gallicanis à Liliis secundus.

Cultissimâs moribûs domi optimè politus,  
ad Liliorum Regnum se contulerat,  
non tam indigens plus poliri, quàm cupidus.

Vidit florentissimum Gallia Juvenem,  
non sola duntaxat ætate, ast & cultu animi.

Hoc suis simillimo Liliis apprimè polentem,  
non solum in æstimatione ac habuit  
in deliciis dum teneret, in desideriis, dum dimitteret.

A Florum Regibus, seu dicere mavis,  
à Regum Floribus suam in Patriam redux,  
Generosissimam mentem inter Lilia politam,  
domi ferrô polire voluit.

Patrio proinde Marti, non solum Nomen,  
sed se totum & omnem dedit operam.

Pro innata SOLTYKIIS Indole,  
dispendiis suis publica redimentibûs dispendia,

pro Serenissimo Augusto II. Rege,

pro gementi Svecicis sub armis Patria,  
in omnes ferventissimi hostis impetus, in discrimina quævis,  
valentissimô semper dexterimus Heros,  
& pectore iverat & animô.



**A** Castrorum negotiis ad Senatum,  
à Clypei meritis ad trabeæ decores,

## **Augusti Regis**

distributivâ promotus Juriâ,  
Militare duntaxat Sagum commutavit cum Toga,  
at non percupidum de Rege & Regno  
optimè merendi animum.

**Pro utriusq; enim Fortuna,**  
Senator validis decertabat consiliis,  
Miles fortibus præliabatur armis.

**Cum omnibus dignissimus esset,**

binam Castellanam Curulem,  
Belzensem primò, post Lublinensem possedit.  
Utramq; magnis adit meritis, implevit majoribus.

**Non in Senaculo feriari à labore voluit.**

Non in Curuli à curis quiescere.

**Summæ Senator prudentiæ,**

publicis domi consuluit de negotiis,  
expedivit illa foris activitate summa,  
passim Legatus, passim Commissarius.

**Arduo hoc munere Berolinensem ad Aulam functus,**

egit illud è voto & mente Regis feliciter,  
cum suæ illam apud Aulam activitatis,  
animiq; sui ad maximas res gerendas peridonei,  
non singulari tantum æstimatione,  
ast etiam admiratione quadam.

**Judex in Tribunalibus, Miles in Castris,**

Consus in Senatu, ad Aulas Orator,  
omne publicarum functionum genus,  
subiit libenter, gloriosissimè absolvit.

**Patria ex Eo nil amplius desiderare poterat,**  
nisi quod non vixerit sibi immortalis.

A Maximo



A Maximo famâ & meritîs Patre,

(Quem innuere nonnisi, non rerum à se gestarum  
magnitudinem sufficienter referre licuit,)

*ad Illustrissimos*

Mathiam, Nicolaum, Michàelem, Antoniũ,

S O Ł T Y K I O S,

Celsissime Princeps,

Tuos Patruos adorator deflectit calamus.

*Illustrissimus olim & Reverendissimus*

**MATHIAS SOŁTYK,**

*Dei & Apostolicæ Sedis Gratiâ,*

*Margarithensis Episcopus, Suffraganeus Culmensis,*

*Splendidissimis Domesticis Ceris, Sacras junxerat,*

*utraq; unito virtutum & magnæ sapientiæ fulgore,*

*longè splendidiore reddidit.*

Fortitudinē quā Angelici cum Nomine Ducis recepit,  
innumera poenè per documenta monstravit.

Sive Atlantis sui in bajulanda amplæ Diæcesis mole,

indefessum ageret Succolatorem,

sive invictum contra Hæresèos monstra Domitorem.

Contra hæc licèt non gladius Michàéli ignitus,

ast omninò vis ferventissimi zeli adfuerat flammea.

Quoties verò multiplex,

Diffidentium Hydra tumidam arigebat cervicem,

toties ad conterendam ejusmodi pervicaciam,

*gladius ex Ore Illius utraq; parte procedebat acutus.*

Margarithensis Episcopus, erat Episcoporum Gemma,

singulari Religionis zelò de Ecclesia,

Justitiæ observantiâ de Sacris Regni Tribunalibus,

Boni publici amore, meritissimus de Patria.



Aurô non sepiâ scribendus esset,

aureô Vir datus ab ævo, aureo vocatus Nomine,

Illustrissimus & Excellentissimus

**NICOLAVS SOLTYK,**

*Premysliensis Castellanus.*

Principe nonnisi metallo appretiari possunt,  
nedum gesta Magni Hujus Senatoris, ast & ipsa dicta.

Aureum Consiliorum Tripodem,

eruditissimô complexus Capite, Ore svadam auream.

Aurea erant effata, quæ dabat pluries in Tribunalibus Judex,

aurei sensus, quos in Patrum Curia promebat Senator,

gemmea verba, quæ loquebatur Principum Orator.

Radomense ad Tribunal multoties Commissarius,

æqua aure partium audivit querelas,

æqua lance ponderavit injurias,

æquissimô judiciô retenta militi pendi stipendia,

illata Civibus resarciri decedit damna,

**Generalibus Grodnensibus in Comitiiis,**

ad res in Curonia & Semi-Gallia componendas,

designatæ ab Universis Regni Ordinibus Commissionis,

delectus voce unanimi Arbiter,

magno rationum robore, pondere eloquii non minori,

subortos inquietorum motus animorum paccavit,

discedentes ab orbita Status, saniora ad consilia revocavit,

Feudatariam Gentem Vasallis in Juribus,

debitoq; Polonam erga Rempubicam in officio continuit;

relictô Orbi & posteris sæculis documentô;

quantùm ex Illustrissimis SOLTYKIIS unusquisq;

ad Regnorum fortunam, tranquillitatem, pacem,

& comparandam valeat & reparandam.

Meraie



Meruit plurimùm Nicolaus de Polono,

at verò MICHAEL non de uno,  
voluit mereri & multùm merebatur Regno.

Extra Patriam ad invisendas ivit Gallias,  
non tam vana exteras videndi res curiositate,  
quàm cupidò extera merendi de Gente animò.

*Ludus hic illi nullus placuit, nisi Martius;  
Theatrum nullum, nisi belli.*

*Nullum spectaculum, in quo non Bellona,  
cruentam ageret scenam, & Heroum corda, ad Classica  
provocaret animaretq; non ad choreas.*

Regalibus LUDOVICI XIII. sub Signis,  
Florentissimæ ac Potentissimæ Gallicæ Nomen Militiæ dedit.

Sub triumphalibus Liliorum Labaris,  
non moles delicatula inermiq; manu carpebat rosas,  
ast victrices palmas & Laurus., ferrò chalybeq; armatâ.

Vidit in Illo Polonam Gallia fortitudinem,  
æstimavit Christianissimus Rex dexteritatem,  
utrâq; commendatum Regio admovit pectori,  
augere stipendiis, Regni Honoribûs ornare,

Regali firmiter animò proposuerat,  
nisi MICHAELEM quem vis nulla Martis vicerat,  
unicus carissimæ suæ Patriæ vicisset amor.

Redux proinde in Poloniam,

Martis artibûs exercitus, rerum experienciâ excultus,  
pluries Patriæ Bellonæ fidissimus ad Castra Commilito,  
pluries Judex ad Sacrum Regni Tribunal Deputatus;  
pluries ad Generalia Comitia Legatus,  
pari de Polonia merebatur studiò,  
ut ante de Gallia,



Sandomiriensis primùm,  
VENATOR, DAPIFER, VEXILLIFER,  
ad nunc tandem CASTELLANUS Senator,  
in amplissimo hoc & ornatissimo Palatinatu,  
omnes Honorum possedit Gradus, quia omnes meritorum  
quâ internis, quâ externis in functionibus,  
continua gloriosissimè exegit serie.

Matrimoniali prius fœdere,  
MAKOWIECCIÆ,  
*Illustrissimi Trębovlensis Capitanei Filia,*  
*Camenecensis Castellani Nepti;*

Votô deinde secundô

TERESSIÆ MORSZTYNIÆ,  
*Livoniensi PALATINIDÆ junctus,*

Nominis SOLTYSKIANI Splendores,  
Illustrissimâs adauget sideribûs,  
dignissima prole propagat,

ANTONIUS SOLTYSK,  
*Lublinensis Succamerarius,*

Omnigenæ in MICHAELE Fratre virtutis æmulus,  
iisdem meritorum vestigiis,  
eodem in publicum bonum studiô,  
eodem ad quævis Patriæ obsequia conatu,  
ad Religionis defensionem, ad libertatis præsidium,  
eodem contendit fervore, eadem contentione incubuit,  
iisdem quoq; cum FRATRE Curulibûs,  
iisdem Senatoriis in Regno Purpuris,  
iisdem dignissimus ornari Titulis,  
nisi Nobilitatis Princeps, Honores alios,  
mereri maluerit, quàm habere.

Post



Post Paternas Principis Ceras,  
novos à Maternis splendores,  
vectigalis deliba calame!

*Illustrissima & Excellentissima*  
**CONSTANTIA,**  
**ALEXANDRI**  
*de Drzewica*

**DRZEWICKI,**  
Palatini Lublinensis Filia,  
Magna Præfulis Celsissimi Genitrix.

nativos Illustrissimæ Domûs suæ splendores,  
arctissimo SOLTYSKIANIS junxit fœdere,  
& ampliùs SOLTYSKIANOS adauxit.

Ex antiquissima æquè ac amplissima  
VITELLINORUM in Italiis oriundi Familia,  
cum Gentilitiis Rubei à quo dicebantur VITELLI Armis,  
sub MIECISLAO adhuc, primo Orthodoxo Principe,  
Magni Regno Poloniæ acceſſerunt Advenæ,  
mox à possessis *Drzewicâ* bonis appellati

**DRZEWICII,**

à PAULINO in Posteris propagati,  
non per lentos auctus, & modica incrementa,  
non per radios diutiùs accumulatos radiis,  
aſt primo statim ſuo in Polonia ab ortu,  
plenissima Magni Nominis luce,  
lucidissima Generis claritate,  
Illustrissime Familiæ splendore,  
splendidissimo primorum tam in Republica,  
quàm in Ecclesia DEI Honorum jubare,  
clareſcere cæperunt, & claruerunt.

K

*Noſſe*



*Nosse cupis?*

Qui Eorum, & quibûs Sacris fulserunt Honoribûs?  
Primum statim à suo in Poloniam adventu

**ROBERTVM,**

ipso quasi ( ut ajunt ) à limine

Archiepiscopali Gnesnensi Dignitate

Princeps Miecislaus excepit.

Primam hanc in Polonia Infulam,

Primos à Regiis Primatiales Fasces,

**SCISLAUS** demum & **MATHIAS**

**DRZEWICII,**

Gnesnenses ambo Archi-Episcopi,

paribûs obtinuerunt meritîs, paribûs ornârunt.

Natum ad Tiaras **MATHIÆ** Caput ut noscas,

Ante Archi-Præsuleam Gnesnensem,

Premysliensem, Cujaviensem Præsuleas,

Sacro vertice Magnus Antistes gessit, & singulas

selectissimîs virtutum, sanctimonîæ, sapientiæ,

condecoravit & appretiavit gemmîs.

*Scire vis?*

Quæ Curia, quæ Regni obierunt Ministeria?

**NICOLAUS** Sandomiriensis Custos,

**Vladislao JAGELLONE** Victoriosissimo Rege,

in Castris cum Exercitu contra Svidrigelium morante,

Regium recepit Sigillum, & gloriosissimè tenuit.

Recensitus supra **MATHIAS**, sub tribus continuò Regibus,

**Joanne Albrachto, Alexandro, & Sigismundo,**

Signatorias Regni administrabat Ceras.

*Quæris quas possiderint Curules?*

**JACOBUS** Zarnovecensem,

**ADAMUS** Inovroclaviensem Castellanas,

**ALEXANDER** Beizensem Palatinam.

*Sci-*



*Sciscitāris,*

Quibus & quanta Regibus in acceptatione fuerint?

**JOANNES DRZEWICCIUS,**

ab intimis CASIMIRO Regi habebatur secretis.

Ab Eodem ad Vladislaum Regem Bohemiæ,  
pro petendis contra Othomanos subsidiis,  
gloriosissima Legatione functus.

MATHIAS nedum Regibus amatus, ast Regum fuerat amor.

Electum in Regem Poloniæ Sigismundum,  
ad Regni invitavit Gubernium, & è Lithvania deduxit.

Ab Eodem ad Viennensem assumptus Congressum,  
fidum in via Comitem, in negotiis Consultorem egit Optimum.

Ad Serenissimam Venetorum Rempublicam Orator,  
à Polona armorum contra Turcas societatem disertè petiit.

Ad Imperialia Francofurti Comitia Legatus,  
multùm inibi Electioni CAROLI Cæsaris suffragatus,  
intimè proin dilectus à Cæsare, plurimùm æstimatus.

Hungariæ Regnum LUDOVICO minorenni jure debitum,  
authoritate sua firmavit, consiliò, prudentiâ stabilivit.

*Collige hinc meritorum,*

quibûs ab ævo claruerunt DRZEWICCI magnitudinem,

Honorum quibûs excelluerunt amplitudinem,

Titulorum splendorem, Nominis Magnificentiam.

*Totum hoc una Illustrissima,*

**CONSTANTIA PALATINA,**

omnium Ipsa virtutum compendium, dotum collectio,

Heroinarum ævò suò exemplar, Drzewicciani Sanguinis Gemma;

in Celsissimam SOLTYKIAM Domum dotalitiò,

Principem in Præfulem,

Materno contulit jure.



Corneliis olim hæc dabatur gloria,  
quòd solæ Viros parerent.

**CONSTANTIA** è **DRZEWICCIIS SOLTYKIA**,

longè gloriosiori germine, feliciori partu,  
quot Filios, tot Virorum edidit Gemmas.

Unò Illi Tecum,

**Princeps ac Præsul Celsissime,**

Palatinæ sive Lucinæ editi, unò ablaetati gremiò,  
Solennem hodiernum ad Cathedram Ingressum Tuum,  
cum singulari Fraternalium gaudio cordium spectant.

Magnis Togâ & Sagâ meritis distincti,  
distinctis quâ Senatoriis, quâ Equestribus ornati Titulis,  
distinctis scribi elogiis deberent.

Totos laudum meretur Tomos,

**THOMAS** Lublinensis Succamerarius,  
Titulò Nobilitatis Princeps, meritò in Patriam primus.

Gemmeâ **MALACHOVIAE** Consortis Fasciâ,  
primis in Regno Fascibus ornatissimam Domum,  
junxit colligavitq; propriâ.

**MATHIAS & FELIX,**

Ille Varsaviensis **CASTELLANUS**,  
Hic **CAPITANEUS** Zwinogradensis,

Loricatæ Cohortis Serenissimi Regis Vexillifer.  
Magni Nominis famam gloriosissimis protendunt factis.  
Heroicis actionibus immortalem sibi gloriam parant.

*Præter militia negotia,*  
vicibus penè innumeris ad Regni Comitia Legati,  
Judices ad Tribunalia Deputati,  
in illis integritati, in his securitati,  
Patriæ, Regni, Civium,  
æquè fideliter consulebant ac optime.

Sile-



Sileri minimè possunt,  
Qui inter Religiosa vitam elegerunt silentia,  
**THOMAS & JOSEPHUS,**  
Alter in Ordine SS. Trinitatis à Redemptione Captivorum,  
Alter in Seraphica Francisci Familia,  
ambo doctrinâ, virtute, pietate,  
æquè commendati, ac de Ordinibus suis meritissimi,  
publicis ad hodiernum Ingressum plausibus,  
exultantium in Domino animorum,  
festivos jungunt jubilos.

**Te Princeps Celsissime,**

Suum è **FRA TRE** dilectissimo,

Cælo sibi datum ab alto,

**Patrem, Præsulem, Pastorem,**

effusis in gaudia venerantur præcordiis.

**Virginali quoq; D. Benedicti è Cænobio,**

sua olim in sæculo dilectissima Sorore,

Jaroslaviensi adnunc in Conventu,

prædicti Patris Monialium,

dignissima & æstimatissima Abbatissa,

**CATHARINA è SOLTYKIIS,**

Ducem & Antesignanam agente,

**THERESSIA & THEOPHILA**

**SOLTYKIÆ,**

Benedictinæ Moniales,

trinæ inter se in sæculo Sorores,

& simul trinæ Ejusdem in Religione Patris Filix,

Agnum Sponsum inter lilia pasci solitum,

spretis mollioribus, ast multum fallacibus

mundi viis jam pridem secutæ.

L

Prin-



Princeps Celsissime,  
quòd candidissima vestigia & gressus,  
quibùs Tuam hodie procedis ad Sponsam,  
sequi ex proximo non possunt,  
intimìs à longinquo Te PRÆSULEM sequuntur votis,  
pro auspiciatissimo Tuo Ingressu,  
vicinius suis è Cellis Cælum,  
piissimìs suspiriis pulsan.

Sacris profectò his Polonis Vestalibus,

triumphales non suppetunt ignes, at purissimas  
Virgineorum pectorum flammæ, ad gratissimum  
Cælo triumphum, continuò nutriunt & foveant,  
*Abdicant se Avitis splendoribus Religiosæ animæ,*  
*illos tamen non obscurant, etiam dum obumbrant.*  
*Sunt & Claustrales umbra, lucis parentes,*  
*illiusq; sanctæ & illibatæ, in purissimi cordis acerra,*  
*ad acceptissimum DEO holocaustum ardentis.*

Non solæ Celsitudines, etiã ipsæ Serenitates,

illustrius in Religiosis fulserunt angulis, quàm in Thronis,  
magis DEO notæ & acceptæ, dum abjectæ laterent.

Patriæ quoq; claritudini,

stabilius in omnem posteritatem affuderunt jubar,  
quò longius ab ea recessisse videbantur,  
& Sanctis profundius degebant in umbris.

Non modicum hoc quoq; pertinet,  
ad Celsissimæ SOLTYKIÆ Domûs gloriam,

quòd Nobilissima sua Germina,  
& Focis nutriat & Aris,  
& Regioni alat & Religioni,  
& luci publicæ & claustralibus umbris.

Post



Post Benedictinas Vestales,  
**Princeps Celfissime,**  
Tuarum Amitarum,

Religiosum ac sacerrimum Ternionem;  
Eodem Consanguinitatis titulô ast numerô longè majori,  
Aliæ sæculo superstites censentur;

ELISABETH nimirum Illaq; primô  
**FRANCISCI KOCHANOVII,**

votô verò secundô,

**JOANNIS KRASINS CII,**

*Malogostensis CASTELLANI;*

**ZOFIA JOANNIS DROCHOJEWSCII,**

*Premysliensis VEXILLIFERI,*

**HELENA JOSEPHI ROSNOVSCII,**

*Sanocensis DAPIERI,*

**FRANCISCA JOSEPHI MORSCII,**

*Premysliensis PINCERNÆ;*

*Letissimæ Conjuges, & Æstimatissimæ,*

**Magnæ Nobilissimarum prolium Matres,**

fæcundæ Clarissimæ Sobolis Genitrices,  
primarum in Regno Propagatrices Familiarum,

**Princeps Celfissime,**

omnes & singulæ dignissimæ

**Amitæ Tuæ.**

Tot Illustrissimos Magnorum Nominum splendores,

tot Avitos Insignium Familiarum decores,

tot Vetustissimarum ornamenta Domorum,

Præcelso SOLTYKIANO Nomini,

arctissimo fædere jungunt.



Imparì veniunt numerò  
ast paribùs virtutum, gloriæ, Honoris  
Illustrissimi ornamentis,  
**IGNATIUS, JOSEPHUS, MATHIAS,**  
**THOMAS, CAJETANUS,**  
**S O L T Y K I I,**  
**Princeps Celsissime,**

Fratres Tui Patruelles.  
**IGNATIUS** Cracoviensis Cathedralis **CANONICUS,**  
sub Vavellano Coronarum Ternione,  
iis qualitatibus, sapientiâ, virtutibus fulget,  
quibus ipsas ornat & appretiat Coronas,  
Insulis non leve sui desiderium facit.

**Præluserunt certò**  
**Vavellanae** multis ad **Insulas Coronæ,**  
ut **IGNATIO** præludent,  
nos optamus, plura efficiet solus.

**JOSEPHUS** Pilznensis Ensifer,  
quâ pace, quâ bellò, fidelibus Patriam juvat Obsequiis,  
**Celsissimam Domum nobilissima adauget stirpe.**

**MATHIAS** Succamerarius Sandomiriensis,  
**THOMAS** Castellanides;  
Ille Exercituum Regni Generalis,  
Hic Loricatæ Principis **JABŁONOVII** Cohortis Vexillifer.  
Uterq; dextera Martis Poloni manus.

In Castris Milites, in Tribunalibus Judices, in Regni Comitibus  
Oratores, svadâ & eloquiò plurimum valentes.

Alter Dembinæ Dapiferidæ Cracoviensi, Alter Piegłovix,  
Szrubscensi Capitaneidæ, Conjugali fædere junctus.

Nativis splendoribus Cognatos accumulans.

**VIA**



V I A  
A Q V I L Æ,

*A Serenissima Affinitate, Colligatisq; Nominibus.*

Ab Illustrissimis et Celsissimis Titulis,  
ad Serenissimos;

A Senatoriis Purpuris, Principum Laticlaviis,  
ad Trabeas Regum & Paludamenta;

A Sellis Curulibus,

ad Augustissimos Imperantium Thronos,  
ad Sacras in Orbe Majestates,  
reverens eluctare calame.

Enim verò

In superiori Astrorum Regno,  
in amplissima illa Luminarium Provincia,  
roseos Phosporos venturæ puntios diei,  
suos verò fidissimos Antesignanos,  
tota luminis circumfusus plenitudine,  
tota splendoris Majestate refulgens,

Fons ipse luminum, & Astrorum Princeps sequitur.

In Peraugusta SOLTYKIA Domo,

quasi in altera Solis Regia,  
præter fulgentissima omnibus Titulis Astra,  
præter lucidissima primæ Magnitudinis in Regnis sidera,  
Ipsi demum Soles Regnorum Serenissimi,  
Ipsa Imperantium prima fontaliaq; Lumina,  
ea Augustissimi splendoris radiantia luce,  
vectigali adoranda veniunt calamô,  
quâ nonnisi Thronos & Majestates,  
Orbis fulgentes adorant.

M

Ita



*Ita nempe,*

Non è solo roseo æquore Titanes surgunt:

Non sola Thetis Phæbum suis in Regnis alit.

Etiam è purpureo SOLTYKIANI Sangvinis Mari,

Serenissimi Imperiorum venerunt Soles.

Etiam Augusta Hujus Domûs Lucina,

Augustissimis in Orbe Thronis & Majestatibus,

lucidissima nutrit & dedit sidera.

Roxolanum in Orbem,

vestigalis iterum ito Calame!

Quidquid amplissimi hujus in Throno Imperii fulget.

Sangvinem esse SOLTYKIUM scito.

**A MICHAELE enim SOLTYKIO,**

memorando Roxolani Vindicatore Imperii,

Solenni in Poloniam Legatione commendatissimo,

Præcella felicitis Thalami procreata Genesi,

**A N N A**

**S O L T Y K I A,**

*Serenissimo & Potentissimo*

**JOANNI II.**

**A L E X I O,**

Augusto Moschoviæ Imperatori,

**P E T R I M A G N I,**

*itidem Bellicosissimi ac Invictissimi,*

Rossiaë Imperatoris,

**F R A T R I**

Natu Majori,

in Augustissimi Consortem Thori,

simul in Throni delecta Sociam.

*Sere-*



*Serenissimarum trium Filiarum,*  
*nimirum*

CATHARINÆ,  
CAROLO

*Meklemburgensi;*

ANNÆ,  
FRIDERICO KIETLERIO,

*Curonæ & Semi-Galliæ Duci,*

*in Sociam vitæ elocatæ,*

*ac demum*

Imperatricis Augustæ,

&

PRAXEDIS  
ALEXIÆ  
MAGNÆ MATER,

*Genitrix Augustissima;*

ELISABETH CATHARINÆ,  
ANTONIO ULRICO,

*de*

WOLFENBÜTEL,

*Duci Brunsviciensi nuptæ,*

*post fata ANNÆ suæ Materteræ,*

*ad Imperialem succedentis Thronum*

AVIA;

*Serenissimæ adnunc & Potentissimæ,*

IMPERATRICES  
ELISABETHÆ,  
PETRI MAGNI ALEXII

*Unicæ Filæ,*



*A M I T A;*  
**CAROLI ULRICI,**

*è Serenissima Dama*

Ducum Holstynensium de Gottorp,  
Magni Ducis Moschovia,

**FEDEROWICZ,**

*dicti & appellati;*

Imperatorii Throni,

*declarati Successoris,*

*M A T E R T E R A.*

Præcellsum SOLTYKIANUM Sanguinem,

*in Serenissimis Roxolanis Majestatibus,*

*in Augustissimis Imperatoris Thronis,*

*pluribus abhinc continuata sæculis,*

*Imperatoriae propagatione Familiae,*

*per Augustissima & Serenissima sua Germina,*

*æmulo ipsius Solis splendore,*

*fulgere & clarescere fecit.*

*Venit hinc Tibi*

**Princeps & Præsul Celsissime,**

*Serenissima cum Imperatoris Thronis in Septemtrione,*

*cum Ducalibus Sacro in Imperio Affinitas.*

*Attigisti præcelso necessitudine Sanguinis,*

*quidquid Augustum Septemtrio habet,*

*quidquid Imperia Serenissimum.*

**Spectant Te è proximo**

*Coronati Regnorum Soles, & Tu Sidus es ad Illos spectans.*

*Cognati sunt Tibi qui Imperia regunt, & Tu Illis.*

*Non solâ Curulî proximus es Thronis, ast & Sanguine.*

*Non tantum acclives Majestates habes, ast & Affines.*

**Augu**



Augusta est extra Regnum,  
**Princeps Celsissime,**

Præcelsæ Domûs Tuæ Cognatio, at non minùs intra.

Cognatæ sunt Tibi primæ in Polonia & Lithvania Domus,

colligatæ Pervetustæ amplissimæq; Familiæ,

Juncta arctissimo Sanguinis nexu,

**Ducum, Principum, Procerum,**

*Celsissima, Illustrissima, Excellentissima Nomina.*

Vel cum Unica ELEONORA,

**S O Ł T Y K I A,**

Pauli de Potok POTOCKI Conforte,

THEODORI Archi-Episcopi Gnesnensis, Regni Primatis;

**Victoriæ quoq; Sobiesciæ,**

**Magna Genitrice,**

totus penè Polonus & Lithvanus, cum suis Titulis, Ministeriis,

etiam cum ipsis Regni Sceptris & Fascibus Supremis,

à Serenissimo JOANNE III. gloriosissimè gestis,

**Colligatus Tibi PRINCEPS veniret Orbis.**

*Amplissimam atverò utramq; Gentem,*

**Celsissimi Duces,**

RADIVILLII, VORONIECCII, TRUBECCII,

PRINCIPES JABLONOVII, DENCHOFFII,

SZŁUSZKOVII, SZCZUKONES, DZIAŁYNSCII,

OSSOLINII, RZEWUSCII, ZAŁUSCII, SZEMBEKII,

MYCIELSCII, KRASINSCII, WYZYCII, SILNICCII,

CZERNII, MAŁACHOVII, MICHAŁOWSCII,

STADNICCII, SZANIAVII, NAKWASCII,

KOCHANOVII, GRUDZINSCII, ANKVICCII,

KONARZEWSCII, DROCHOIEWSCII, &c.

distinctæ Cognationis Affinitatisq; nexu,

ad summam hodierni Tui Ingressûs,

deducunt secum Magnificentiam.

N

V I A



V I A  
A Q V I L Æ,

*A Virtutibus Principis & Meritis.*

Ad Ædem Honoris,

viæ prorsus innumeræ, ast certior, augustior nulla,  
quàm solius inclytæ virtutis.

Virtus enimverò;

homines provehit ad Deos, quantò magis ad Honores.

Ad excelsa istorum Culmina,  
illa sola certissimam antesignanam agit.

Illius passibûs & vestigiis quicunq; inceserunt,  
eorum alii sideribus, alii summis culminibus illati.

Vides Herculem inter astra & Perseum,  
scito quòd horum utrumq;  
ardens evexit ad æthera virtus.

Nulla illi via invia,

nullum fastigium inaccessum, nullus obex invictus.

Objice illi Lænæ catulos,

Gorgonis Caput, Minotauros, Cerberos,  
calcabit hæc illæso pede, & victrix evadet.

Superavit Alpium juga cum Annibale, maria cum Jasone,  
quidquid natura indomitum fecit, edomuit cum Macedone.

Scipiones, Pompejos, Cæsares, Augustos,  
ad Quirina Capitolia triumphali deduxit tramite.

Argenteæ igitur, Flaminiae, Æmiliae,  
Campanæ, Aureliae, Æliae, Coelmontanae,

Viæ Regibus, Ducibus, Imperatoribus tritæ,

Victorum Laureis coronatæ, Ingressibûs famosæ,

Viæ quoq; Appiæ, omnium Romæ viarum Regina,

Viæ solius virtutis sunt.



*TUÆ hinc A Q V I L Æ,*  
*& Tui Ipsius,*  
**Princeps Celfissime,**

ab istis quibûs excellentissimis virtutibûs fulges,  
super coronatos Vavelli Montes,

Viam quis non dicat deducatq; Regiam?

Regalis certè quâ hodie incedis Semita,  
non ex eo solo, quòd ad Regum Basilicam ducat,  
sed quòd eam expectatus Sacrorum Rex,  
ingentibûs Virtutum emetiris passibûs.

Tractu illa suo, quò protenditur,  
non prægrandes Crassi ostentat Columnas, ut Argentea;  
non captas de Liguribus manubias, ut Flaminia,  
non marmoreos Vespasiani arcus,  
non sacra mensæ Augurum vasa,  
ut olim Romæ ostentabat Sacra.

Præstantissima Animi & Corporis Tui ornamenta,  
vivæ & spirantes Tua de Fronte Virtutum Imagines,

Sacra & Venerabilis Præsulei Vultûs Majestas,

**Colossis, Columnis, Arcubûs,**

longè plus ad Tui magnificentiam conferunt Ingressûs,  
plus ad pompam & solennitatem contribuant.

**Capitolini olim Iovis ad Ædem,**

Romulos & Nummas Pompilios Religio,

Trajanos, Drusos, Germanicos,

Patriæ suæ & Civium Amor,

**Camillos, Marcellos, Marios, bellica fortitudo,**

vel unica alias quâ claruerunt virtus,

vel eburneis invehebat curribûs, vel manibûs

ovantis importabat populi.



**Tu verò**  
**Princeps Celsissime,**  
**Præfulei Sacrarium dum ingrederis Honoris,**  
 Sacerrimum quoddam omnium probitatum Augustal.  
 & amplissimum in Te solo visendum exhibes Panthèon.  
**Ad Regum Basilicam, ad Sanctorum Regiam,**  
 non unam alteramvè Tecum defers virtutem,  
 non una alteravè Tecum altius ascendente ascendit,  
 sublimius progrediente, progreditur & ipsa celsius.  
 Omnes Tua magna conspirarunt in decora,  
 Omnes Tibi venerunt ab Alto, Tecum omnes,  
 ad Sacri Altum Honoris iteratò veniunt.  
**Omnes in Te culminant, & Tecum hodie ad primū,**  
**Præfuleæ in Polonia Dignitatis sublimantur Culmen.**  
**Regalis omnino apparatus est,**  
 quem Tibi Tuæ Virtutes formant.  
 Regalis comitatus, quem ipsæ componunt.  
 Regalis super Montes Vavelli coronatos Via,  
 quam illæ Sacris dignæ Coronis, pridem pararunt.  
**Tenes Princeps & Præsul Celsissime,**  
 virtutes omnes compendiò, & unus omnium es Compendium,  
 Omnium numeris virtutum, absolutum Compositum dici debes.  
**Ea in Te plenitudine convenisse videntur,**  
 quâ conveniunt in Sole radii, in fonte rivi.  
**Nullam Te habere putasses, nisi possedisses omnes.**  
 Auream excellentissimo Tuo in animo invenerunt catenam,  
 Vastissimam sacerrimo in pectore Iliadem.  
 Tali catenâ omnes & singulæ retineri,  
 tali Iliade omnes compendiari & singulæ,  
 libentissimè elegerunt.

Theolo-



# THEOLOGICÆ PRINCIPIS VIRTUTES.

## Fides in Deum.

Selectissimam seriem & Cœleste,  
quibûs fulges MAGNE PRÆSUL Virtutum agmen,  
*Fides orditur & ducit.*

Prima inter virtutes, primas sibi justè vendicat.  
Aliarum fundamentum & basis, molem à se inchoari exigit.  
*Sperandarum substantia rerum, argumentum non apparentium.*

## In Te Præfule Magno,

prima alîs eaq; apertissimè spectanda occurrit,  
Cum aliæ ipso Tibi cum lacte affusæ videantur,  
*affusa hæc cum fonte aquæ, & lavacro vitæ.*  
Simul tecum vivere cæpit, imò ut vivere inciperes fecit.

Vitam corporis ab Illustrissima accepisti Lucina,  
*illuminat* vitam animæ à Fide, hanc à Gratia.

Lucem Mundi ingressus, ut Lumen superius spectares,  
Fides ad hoc mentis oculum aprabat.

Vagiebat Tecum in Cunis, & hic vagitus placebat Cœlo;  
Alebatur Tecum, & Te Ipsum alebat;

Tecum nutriebatur, & Te nutriebat Infantem,

*Cibò Sanctificantis gratia invisibili.*

Collactanea Tua, simul alitrix, Tua.

Crescebat Tecum à Cunis, donec ad discretam veniret ætatem,  
Non aliter à Te avellenda, nisi seram post mortem.

*ubi evacuabitur quod ex parte est.*

*postquam venerit quod perfectum est.*

Huic Tu Præsul Optime Virtuti,

Virtutum omnium Matri, fonti, radici,  
Cor, mentem, animum, imò totum Te dedisti,  
Ut Deo & Cœlo totum redderes.

O

Sanctis.



Sanctissimis hujus vinculis,

mancipari totus libentissimè voluisti.

Hujus in obsequium Tuum ultrò captivasti intellectum,  
illò prorsus Tuò meritò quò coram DEO nullum majus,  
dum DEO Quem non vides, plùs credis, quàm Tibi Ipsi;  
dum plenissima in libertate,

rationem ad eorum assensum cogis & adigis,  
quæ omnem rationis exsuperant sensum.

*Nullum fidei meritum, ubi ratio experimentum habet.*

**Æternæ effatò veritatis:**

*Beati qui non viderunt, & crediderunt.*

## Tu Princeps & Præsul Magne

in obscuro Fidei speculo invisibilem intueris DEUM,

& sic profiteris, ac si ad oculum videres.

**Divina in ænigmate arcana audis,**

nec Oedipos vocas ad solvenda, quibùs Te spontè alligasti.

Lucernam in caliginoso loco lucentem sequeris,

& media in caligine minimè caligas.

**Supremus in Præsulea Tua Cathedra Doctor,**

totam Tuam in Magistra fide reposuisti Sapientiam.

Solus nil doces, nil docere præcipis, nisi quod illa docet.

Scutò ipsius munitus, præliaris bella Domini fortissimus.

Pro cultu DEI & Religione Orthodoxa, zelus invictissimus.

**Exulta Fides, exulta Religio,**

Ad defensionem vestram PRINCIPIS Aquila districtum,

at gladium Æliæ IPSE PRINCEPS gerit flammeum.

Cave superstitio cave Hæresis.

Fugite Harpyæ Sacrarum contemptrices Mensarum,

Time tibi Infanticida Infidelitas.

Excubat contra vos AQUILA,

PRINCEPS invigilat.

Spes



# Spes Principis in Deum.

## Rectam in DEUM Principis Fidem,

Spes in DEO stabilis è vestigio sequitur.

Mater Illa, hæc Filia;

Fons illa aureus, hæc aureus rivus.

Succedit Matri Filia, rivus è fonte illico fluit.

Tam mater quàm filia, scopum eundem habet.

Tam fons, quàm rivus idem litus.

Tendit fides in DEUM, tendit & spes in DEUM.

Primam illa Veritatem,

hæc Bonitatem respicit primam.

Credit illa in Eum,

*Qui nec falli potest, nec fallere,*

sperat hæc in Eo,

*Qui largus credentium Remunerator est.*

## Dicere cum Aquinate mavis:

*Spes est excellentis appetitus boni, cum obtinendi fiducia.*

*Spes est tuta ac firma animæ anchora,*

*procedens, usq; ad interiora velaminis.*

Virtute hac,

## Tu Princeps & Præsul optime,

Totus ad DEUM erigeris, Totus in DEO recumbis.

Quem fide invisibilem credis, spe olim videndum præstolaris.

Terrena Tua habitatio, desiderium est collium æternorum.

Mortalis vita, spes immortalis vitæ.

Expectatio nulla major, quàm beatitudinis futuræ,

*Nullus appetitus fortior, quàm bonorum,*

*quæ DEUS præparavit diligentibus se.*

Inter homines vivens, vitam cum DEO appetis.

Terras incolis, & ad Cælestia totus aspiras.

Viator es, & spe plena, jam dici potes Comprehensor.



## Virtute hac,

ceu firmissimâ suffultus anchorâ,  
inter sæculi turbines, minimè perturbaris,  
inter vitæ mortalis fluctus, minimè fluctuas,  
inter mundi procellas, minimè periclitaris,  
inter Acroceraunia & Syrtes, minimè naufragaris.  
Ubi nihil securum est, Tu securrimus es.  
Ubi omnia lubrica, Tu solidissimo gressu incedis.  
Ubi omnia naufragiis plena, Tu integrò navig.ò proveheris.  
*Præsentiens maris tempestatem Echinus,*  
*adharens vi tota lapidi fluctibus è fundo ejicitur nullis*  
*Refugi sub alas matris pulli, illasi à milvis servantur.*  
*Columba sub Porcydionis umbra, Draconem non timet.*

## Tu Princeps et Præful optime,

toto sp̄ei pondere Christo Angulari Lapidi affixus,  
plenâ cordis fiduciâ, salutiferam Illius amplectens Trabem,  
certissimo sub umbram alarum Magni DEI convolans,  
in mari hoc magno, & spatiofo navibus,  
nulla tempestate concuteris, nullo fluctu demergeris,  
nulli casui succumbis, nullò periculò prosterneris,  
nullum ad lapidem pedem Tuum offendis,  
*super aspidem & basiliscum ambulare potes,*  
*& conculcare Leonem & Draconem.*  
Solidissima Tuo in DEO Altissimo spes,  
facit dexteram Domini in omnibus Te confirmantem.  
Illa ingentem negotiorum qua Regni, qua Ecclesiæ molem alleviat.  
Laborum æstus refrigerat, molestias dulcorat, difficilia faciliat.  
Illa impossibilia plerumq; molimina possibilia facit.  
*Factas curam Tuam*

## o Magne Princeps,

*super Dominum & viriliter agis.*  
*Confidis in Domino, assumis pennas ut Aquila,*  
*volas & non deficis.*



# Charitas Principis in Deum.

## Huc Sacri Flamines

purissimas è focis Vestalium flammæ,  
congerite in rogos, conflante in incendia.

## Flammea Præfulis in Deum Charitas,

triumphales quidem non postulat ignes,  
at ipso jare meretur.

Ardeant ex æquo plaudentes flammæ,  
ubi cor PRÆSULIS Divinīs ignibūs flammescit & ardet.

Splendescant visendæ Cælo & terris pyræ,  
cū Sacerrimus Antistes piissimas condit in pectore flammæ.

Ipsa Æterna adhortatur Veritas:

*Luceat lux vestra coram DEO & hominibus.*

Præfulei lux operosissima amoris,  
jam DEO suo inter abscondita cordis notissima,  
quidni innotescat & hominibus?

Æthnam & Vesuvium in PRINCIPIS corde videas.

Fervescit Divini æstu amoris propè immenso.

Effunditur in charitatis incendia, Cælum ipsum tangentia.

Sacer est ignis, Divina flamma, quam corde foveat.

Ex Ipso Fonte Luminum hausta, in Fontem suum refluit.

A DEO Igne consumente derivata, in Ignem hunc  
continuò fertur, nec illo consumitur.

Terminus illi & objectum DEUS & Proximus;

DEUS propter se dilectus,

Proximus propter DEUM.

Pabulum ipsa sibi, calore suo alitur, nutritur suo fervore.

Oculorum etiam rore, & piis lachrymīs accenditur.

Vestalis flamma Romani Custos fuit Imperiū.

Flamma Charitatis Divinæ, est Custos hujus Dominiū,  
quod sanctissimum PRINCEPS, in se Ipsum habet.

P. . . . . Reve-



Revelat fides Præsuli, quæ sciri non possunt,  
alio spes iis quæ nisi à Deo haberi possunt, nec fallit.

Perficit utrumq; Divinus amor, consumat Charitas.

Præter Deum fertur hac PRINCEPS etiã in proximũ,  
at fertur in hunc non aliter, nisi propter DEUM.

Motus virtute PRÆSUL, à DEO sibi infusa,  
effundit viscera charitatis in hominem, quia est DEI plasma.

Miseretur ex animo cuicumq; miserabili;

Adest suã beneficentiã omni indigenti.

Suffragatur consilio quem consilii inopem videt.

Fert solatia afflictis, præsidia & protectionem oppressis.

Plenissima Paternæ charitatis correctione,  
sanat infirmum, consolidat debilem, erigit allisum,  
Omigenæ quã Sacerrimus ANTISTES præstat perfectiõis.

Charitas vinculum est, sit & Theologicarum  
Virtutum in Eo Corona.

*Cardinales Principis Virtutes.*

## Prudentia.

Deferte Principis Prudentiæ,  
quibus Prudentum Nomina, Orbis aliquando detulit.

E Virtutibus hæc Cardinalibus una,  
verè Cardinalis in PRÆSULE, quia eminentissima,

In numero illarũ prima, in PRINCIPE nostro princeps,  
primas nimirum partes nulli concedens.

Vis dicamne quid Prudentia?

Est illa profectò Ethicis:

*Discretio & Providentia futurorum.*

*Est animi lucerna & recta agendorum ratio.*

Una in se videtur esse & dicitur,  
at multa sunt, ex quibus nascitur, colligitur.

Præte-



## Præteritorum aliàs recordatio.

ordinatio præsentium, futurorum meditatio,  
trinæ Matres hanc aliarum matrem virtutum gignunt.

Ab his illa oleum poscit, ut homini præluceat.

Ab his dirigi vult, ut eum in actionibus dirigat.

Ab his juvari, ut operi incumbentem suo adjuvet.

Ab his quæ datura est, ipsa præsidia sumit.

Talibûs præfidiis

## Magne Præsul

instruxisti illam sufficientissime,

providisti de opportunis adjumentis perabundè,

antequam Tuis Reëtricem præfecisses actionibus.

Invenit illa Princeps Celsissime in Te,

plenissimam & penè admirandam præteritorum scientiam.

Scipio Africanus ex Xenophontis,

Alexander Magnus ex Philisti, Alphonsus ex Quinctii,

Carolus Quintus ex Tucididis Historia,

prudentiæ suæ desumpsisse dogmata leguntur.

## Princeps et Magne Præsul.

integram Tu Orbis Universi, Historiam,

compendio in animum collegisti, & felicissimâ retines memoriâ.

In hoc speculo vides res ab orbe condito gestas.

Vides quid Antiquitas, quid remotissima egerat ætas.

Vides rerum aliquando actarum, seriem, successus, eventus.

Elapsi jam pridem anni, sæcula quæ effluerunt,

non Tua effluunt è notitia, non elabuntur è memoria.

Unò prudentissimæ mentis oculò,

prospectas præterita, quæ tamen Tibi sunt præsentissima.

Prospicis alterò & provides, seu procul vides futura.

Attendis diligenter ad ea, quæ jam non sunt,

ut benè succedant, quæ necdum sunt.



Ultima præmittis primis,  
incipis ab eo quod finis est.

Præfigis hunc destinato à Te operi maturrimè,  
nec ullo in opere Tuo, optato unquam frustraris exitu,

*Certissimus teli iactus quem prævolat oculus.*

*Visu prius metam attingit Sagittarius quàm arcu.*

*Fortuna est non Prudentia, quod è destinato non venit.*

**Tu Princeps Celsissime,**

Prius in scopum attentos vibras oculos, quàm jaculum dirigas,

Prius in meta es, quàm in semita.

Vides jam benè ea, quæ necdum egisti,

Postquam ultima attigeris, regrederis demùm ad media.

Perpendis hæc, discutis, examinas, cum fine intento confers,

Nec quæ obvia fuerint eligis, sed quæ opportuna;

Illius sanissimo svasu & consilis Prudentiæ,

quæ prudens non projicit argenteum hamum, ut extrahat pisciculū,  
nec aureum tendit cum Marco Antonio rete, ut Talpam capiat,  
aciem quoq; chalybis aptiorem ad secandum judicat quàm auream.

**Ita Tu Princeps Celsissime.**

Tum demùm ad agendum progredieris, cum jam omnia egeris.

Felicem omnium operum facillimè exitum consequeris,

Qui nullū incipis, priusquàm in lima prudentiæ absolutū non fuerit.

**Omnibus & singulis Tuis negotiis,**

quia honestatem publicæ junctam utilitati præfigis,

omnia & singula laudabilem deducis ad finem.

**Justitia Principis.**

Non Jovis duntaxat, ast Divæ etiā Astrææ,

Armigeram esse Principis Aquilam scito.

Gladium enimverò quem gerit,

& Jovi ad ferendas de Gigantibus Victorias,

& Sacræ Themidi, ad scelerum administrat vindicias.

Justitiæ



Justitiæ etiam  
quæ in Præsule effulget maxima,  
aliud Hieroglyphicum ne quæsieris,  
Regum aliàs & Principum virtutem,  
**Regalis Ales, alituū Princeps optimè refert.**

Gladium ad terrorem, alas ad tegendum extendens,  
Vindicem Justitiam in Principe, & Tutricem indicat,  
talè aliàs qualis esse ipsa exigit & debet.  
nempe non sic rigida, ut simul non sit misericors,  
nec sic misericors, ut penè non sit rigida.

### Enim verò

*Prior crudelitas est, posterior fatuitas.*

Abieti simillima est Principis Justitia,  
Rectissima inter arbores Abies, at simul mollissima.  
Tenacem fundit liquorem, ast odorosum  
curandis peridoneum vulneribus.

Quid quid animi rectitudo, & cordis bonitas dicat,  
id solum Princeps Præsul decernit.

Tenacissimus æquitatis, clementiæ observantissimus.

Corripit ut curet, infligit pœnam ut sanet.

Etiam dum gladium stringit, viscera plena misericordiæ habet.

Præsulea illius correptio sonat forinsecus terribiliter,  
ast Paterna intus dilectio suaviter.

**Quod est partium Præsulis Optimi,**

arguit, increpat, obsecrat.

in omni patientia & lenitate.

Secundùm quod Plaltes Regius dicit:

**profectò in Principe & Præsule nostro,**

*Misericordia & veritas obviaverunt sibi,*

*Justitia & Pax osculata sunt.*

Nullum equidem iudicium format,  
quod justitiæ & simul apertæ non innitatur veritati.

Q

Nullam



Nullam sententiam dicit,  
nisi causâ optimè cognitâ.  
Fraus, dolus, perversitas, fallacia,  
procul este à PRINCIPIS Nostri Areopago.  
Solius hîc intaminatæ veritatis habetur Sacrarium.

Affidente Iſto Præſule pro Tribunali,  
cave ne inſontem eſſe culpæ noxium dicas,  
cave ne mutoni excogitatum ſalmonis imponas nomen,  
ut innocens pro ſalmone muto in victimam cadat.

Studiosiſſimus adminiſtrandæ Juſtitia  
**Princeps Optimus & Præſul,**

at non minùs vel ſervandæ vel reconciliandæ pacis.

Quod cujuſlibet Judicis primum intereſt;

*Partes ad concordiam revocare,*

principali PRINCEPS pro objecto habet.

Dat utramq; aurem audiendis partibus, cor & animum conciliandis,

Sinit ſe coram conteſtari lites, at odia deteſtatur.

Audit pacificus litigioſas contentiones, ne ampliùs  
audiantur, de hoc tota Illius eſt contentio.

**Sic prorsùs Principi Optimo,**

*Fructus Juſtitia ſeminatur in pace.*

Svavis eſt vindicativa in Eo, placita cunctis diſtributiva.

Sive pœnas ſcleri aſſignat, ſive virtuti præmia,  
utrumq; ſic facit, ut ipſa faceret Juſtitia.

Pro meritorum porrò quantitate,

dum condignam merentibus elargitur mercedem,

dum pro Perſonarum qualitate diſtribuit Honores,

dum pro benefactorum, virtutis & ſcientiæ ratione;

Officia tradit, Titulos & Beneficia diſpenſat,

fortiſſimîs virtutem ad fortia ſtimulis urget,

quam emeritiis præmiis coronat.

Forti-



## Fortitudo Principis,

Non hîc Milones Crotoniatæ,  
non robustissimi Geryones gloriæ sperate Theatrum.

Procul hinc illa virium robora,  
quæ cum objectis ad luctas evocata belluis,  
magnarum Urbium cruentârunt fora,  
oculos spectantium terruerunt.

Excellentissimi Fortitudo animi,  
quâ Princeps Præsul præpollet,  
gratissimô Orbi visenda spectaculô,  
vestigalem in paginam venit.

Tantò hæc admirando corporum robore præstantior,  
quantò animus Divinæ particula auræ,  
corpore ex vili gleba constatili excellentior.

Laudatissima hujus Fortitudine,

## Princeps Magnus & Præsul,

vicit hominum robustissimos, superavit fortissimos.

Prosternere belluas, ingentia evellere robora,  
multis hominum concessum, ast admodùm paucis,

*Aggredi magna, sustinere ardua.*

Potest utrumq; PRINCEPS, pro singulari magnanimitate.

Agit utrumq; invicta animi fortitudine:

Maximis rerum moliminaibus parem animum gerit,  
gravissimis negotiis, pares humeros.

Aggreditur magna animosus, sustinet ardua invictus.

Modica plerumq; difficultas grandibus obstitit ausibus,

& ingentes potuit elisisse conatus.

*Parvus obex grandem portam claudit, ne ingressus pateat.*

*Ingentia navigia remora, elephantes minima muscula sistit.*

*Modica spina Leonem detinet, ne procurrat,*



## Excellentissimo Principis animo

maxima quæq; rerum obstacula, minima sunt.

Altior est omnibûs, omnibûs est superior.

Vincit quosvis obices, impedimenta superat.

Nulla Illi difficultas invicta, nulla insuperabilis.

Tam facilè nodos Gordios solvit, ac labyrinthos pervadit.

Non terretur ingentibûs curis, non molestiis angitur.

Quoties pro bono communi agendum est;

dexter opus agreditur, pergit interritus.

Nôn gravatur onere, non fatigatur labore, non conficitur tædiô.

Suscipit pericula ut commoda, suffert damna ut lucra.

Agit magnanimè, patienter, constanter, fortiter.

## Temperantia Principis.

Virtus hæc Cardinalium ultima.

Fortitudine ipsa longè fortior, ac rarior.

Defuit etenim multis, quibus Fortitudo superfuit.

Non visa ut plurimum in illis, in quibus vis maxima videbatur.

Poterant plurimi majorem Orbem vincere, non item minorem.

Poterant Inviçtissimos superare, at non se ipsos.

Poterant remotas subjugare gentes,

at non id, quod intra ipsos erat.

Nulla prorsus victoria gloriosior,

ast & difficilior nulla, quàm se ipsum vincere.

Uni hæc Temperantiæ propria,

## Tibi Magne Princeps & Præsul peculiaris.

Eadem Illi & Tibi coram Orbe Triumphalia debentur.

Triumphat illa in Te, cùm solus triumphas de Te.

Submisisti Te illi liberè, ut erigeret Te suprà Te.

Reddidisti illi Tui Dominium, fecit illa Te Dominum Tui.

Illius proinde imperio dum pares, nullis passionibus pares.

Illi dum obsequeris, dominaris Tibi, & liberrimus es.

Monar-



Monarchicum in Te Regnum hæc Virtus instituit.

Solum duntaxat intellectum Regem elegit.

Illi uni Sceptrum & Clavum tradidit.

Inferiores potentias, ancillas esse proclamavit.

Illis frænum reliquit, obsequium demandavit.

Absolutissimæ quoq; actuum Dominæ facile persuasit,  
ut spontè delecti Regis in obsequium iret,  
nec exinde esse libera desineret.

Tali in Orbe Tuo Mycrocosmo Monarchia,  
nihil pulchrius, ast simul nihil rarius.

Omnia in Te Magne Præful Sereno Cælo,

omnia altissimæ Iopiti maris simillima malaciæ,

omnia aliàs tranquilla, composita, pacata,

nihil verò turbidum, tempestuosum nihil.

Nullum placida in fronte fulgur, nullum in ore fulmen,

Animi imperio, libentes potentia parent.

Compositissimi sensus, nec jugum detrectant, nec obsequium.

Rex ipse Tuo in Regno animus,

præscriptis à Temperantia legibus ultrò teneri voluit.

Nunquam hinc illum prospera,

supra modum attollit fortuna, nunquam adversa dejicit.

Ipsæ prorsus si in corpore viverent Intelligentiæ,  
nec pacatiùs viverent, quàm PRÆSUL vivis, nec tranquillius.

*Morales Principis Virtutes.*

Sapientia Principis.

Post Cardinales PRÆSULIS Virtutes,

quæ Orbi cardines posuit, & illos mover, Sapientia venit.

Regum illam ævô suo Maximus,

omnibus prætulit thesauris, anteposuit divitiis,

*Et venerunt illi cum ea omnia bona.*

R

Prin-



**Princeps Celsissime,**  
**Pretium hoc animorum inæstimabile,**

gemma hanc mentium, & dotem maximam,  
judiciô Tuô supra quœvis æstimâsti pretia,  
Tuô votô enixô & desiderio ferventi,  
supra qualvis gazas appetiisti & thesauros.

**Hujus quâ præstas pro asssecutione Sapientiæ**  
enixum impendisti studium & curas omnes,

Primam illi litâsti ætatem, ut in Te primatum teneret,  
juveniles consecrâsti annos, ut Te ad Senacula formaret.

**Ut olim maturuisset Tecum,**

Artibus & Scientiis ex quibus cõalescit,  
Tua totus incubuisti ab Adolescentia,

**Eruditi lumen animi,**

alieno multi expetunt à foco, sapientiæ illis,  
totus in eo profectus, si exteros duntaxat videant Soles,  
ac si verò oculi esset sapere non animi.

**Princeps Celsissime,**  
**Doctissimi Tu lucem animi, quæsiisti domi,**  
invenisti domi & collegisti.

Omnibûs in Patria excultus Scientiis,  
dum Excellentissimum Nomen per aliena deferres Regna,  
totum Tecum Literarum Regnum detulisti.

**Exteros revisisti Soles**

plenissimo eruditi animi jam conspicuus lumine.  
Urbes, Regna, Provincias, priûs perspectas habuisti, quàm visas.  
Amplitudo earum, situs, distantia, magnificentia,  
priûs Tuam veniebant in notiam, quàm ipsæ in visum & oculos.

**Gentium proinde ubiq; & Regnorum,**  
non minùs gratô excipiebaris hospitiô quàm affectu.

**Ubiq;**



Ubiq; etenim

Solâ primò visæ Personæ prudentiâ Hospes,  
at verò politiâ, geniô, idiomate,

Indigena ubiq; videbaris, credebaris Conceivis.

Videbant Te suum plurimæ Gentes Advenam,  
nec Advenam dicebant,

ob quarum cultum & mores videbaris Verna.

Romæ Tibi PRINCEPS singularis fuerat mora,  
at Tu Romæ magnus amor & svavis.

Orbîs illa & Urbium Domina,  
excepit Te pro Illustrissimi Tui dignitate Nominis,  
suspexit indolem ad quævis maxima natam,  
advertit dotes Corporis & animi eximias,  
observavit excellentia virtutum ornamenta,

Sacrîs olim Infulis & Tiaris dignissima.

Romana coram Sapientia, habuit Tecum plausus Polona

Politissima mens, cultissimi mores, laudes & encomia.

In quorumcunq; ivisti oculos, ivisti simul in affectus.

Appretiabant Te Virorum Maximi, æstimabant Præstantissimi.

In Sacerrimo illo Eminentissimorum Collegio,

eminens Tui audiebatur æstimatio,

Spes futuræ & vaticiniâ non minora.

Ista de Te Singularia,

quàm intimò concipiebat & formabat animò,

Eminentissimus Cardinalis,

J O A N N E S

A L B A N I,

modernus Regni Poloniæ Protector,

quàm gaudenti corde audivisse adimpleta

non satis habuit, nisi id & operâ suâ,

(f) contestatus recenter fuisset.

(f) Sacram ad Episcopatum Crac. Principi in manus suas obtinuit, & Varavi.  
am expedit.

Ra

Tecum



**Tecum in Patria reduce,**  
ab Orbis Capite approbatam, æstimatam à Gentibus,  
reducem politissimam Sapientiam Tuam,  
gaudens vidit, lætabunda excepit Patria.  
Lydius Ille ingeniorum Lapis,  
**Eminentissimus S.R.E. Cardinalis,**  
**JOANNES LIPSCIVS,**  
*Cracoviensis Episcopus,*  
**In Te Princeps Celsissime,**

excellentissima Sapientis animi decora  
& Aquilinam versatissimæ mentis suspiciens aciem,  
Aquilam Tuam lateri, Te Ipsum suo admovit cordi;  
ad maxima quævis negotia Te manu dextera usus,  
Insula hac, quam Ipse gessit, Tu modò geris,  
jam protunc dignissimum edixerat.  
Sapientissimo Tuo in ornamentum animo,  
Vavellanæ imprimis concesserunt Coronæ,  
mox prima Gnesnensis Cathedræ Prælatura,  
Kiiovienſis demùm Insula, felicissimò ad Craciam præludiò.  
Secundâ hac, at inter Præsuleas in Polonia primâ,  
Magna Tua ô Princeps coronatur Sapientia,  
Purpuris ipsis & Galeris coronari,  
quod quantocyùs optamus meritissima.  
Triumphalis est Magne Præsul Sapientia Tua.  
Nihil terfissimam ejus effugit speculam, evitat pupillam.  
Lynce oculo factorum nexus, & abstrusissima rimatur momenta.  
Sudum vel nubilum ex crepusculo colligit, ex flore fructum.  
Præscit quid serus vehat vesper, procellas ocyùs avertit.  
Quâ viam infestum aliquid parat, festina prævenit,  
validissimos consiliorum providentissima maturat obices.  
Magno Tuo ex animo dat consilia ut oracula.

**Habet**

Habet ista in promptu promit ex tempore.

Dat ea Regi & Regno, Aulæ & Senatui,

rationum robore firmata, eloquii pondere valida,  
Patriis innixa Legibus, excelsô limatissima judiciô.

Non inideas Delphis Tripodes Polonia.

In edecumata Præsulis nostri Sapiaentia,  
& tripodes habes & consilii oracula.

## Vigilantia Principis.

Sapiaentia altrix; Sapiaentia fit Comes.

Nunquam Sapiaentia in somnis venit, sed vigiliis paratur.

Vigilia quoq; parùm proficiunt, ni sapienter agantur.

Centum oculis vigilabat Argus,

imprudenter vigil. & oculos amisit & caput.

**Princeps Celsissime,**

Multis Sapiaentiam parasti vigiliis,

ut has demùm sapienter duceres.

**Nimirum,**

ut non solius corporis ast & animi,

attentissimô ad omnia oculô esses pervigil.

Sapiens est Tua Pastoralis Vigilantia

**Præsul Optime.**

Nec eludi ullatenus potest, nec sopiri.

Bis oculata Tuæ vigilantia,

oculatissimam testem, præconem vocalissimam,

Kijovienlis agit Diœcesis.

Ovili illius diversas in semitas acto,

delectus è Cœlo datusq; Pastor,

præfuisi vigilantissimè, invigilasti sapientissimè.

Oves quæ Christi & Tuam audiebant vocem,

ne à Christo & Te suo discederent Pastore,

invigilabas huic attentissimè.



Illæ etiam quæ in aliam errabundæ discesserunt viam,  
ut ad suum Pastorem, & unum redirent Ovile;  
agebas id operabarisq; sapientissimè.

Vineæ profectò illi,  
Pontificiæ Tuæ curæ à DEO commissæ,  
quidnam Optimus PRÆSUL & Vigilantissimus non fecisti;  
ut expectata, uvæ daret non labruscas.

Tua circa illam solitudine,  
nulla pectori, nulla unquam animo Tuo major infederat.  
Pastorales de illa curæ somnum Tuis eripiebant oculis.  
Posuisti sepem ejus attentissimam Tuam vigilantiam,  
Fidelissimum Custodem, Pastoralis cordis oculum.  
Conduxisti probos, doctos, laboriosos Operarios,  
qui eam plantarent, evellerent, colerent, purgarent.  
Implantasti ei bonos palmites, malos emendasti.  
Sancta virtutum & Timoris Divini inseruisti germina.  
Amputasti stolones, vitiorum lentes & vepres evulsi.  
Nulla viarum incommoda, nulla Te deterruerunt discrimina,  
quin totam circumires & perspectissimus inviseres.

**A** Cathedrali itaq; Vlodimirienti incipiendo Basilica,  
magno labore peramplam visitasti Diæcesim,  
omnes in illa consecrasti Ecclesias, decore suo previdisti.

Veterem quoq; Kijoviensium Præsulum Sedem,  
magnis adisti sumptibus, exceptus ibi magnis plausibus.

### Magni sub tempus Jubilei,

omne dierum pondus ferebas & æstum,  
nec ipsi parcebas vitæ.

Continuas absolvebas vigilias, ingentes obibas labores.  
Solut Verbi Divini Præco, solus Sacramentorum Minister,  
ut innumera ovium Tuarum millia, in viam salutis reduceres,  
ut traditas Tibi animas, DEO lucri faceres.

Pietas

Pietas Principis in Deum,  
Fides in Regem, Amor in Patriam.

Unica hîc in Ara,  
triplici igne PRINCIPIS cor ardet.  
Alius DEO, alius Regi, alius Sacer est Patriæ.

Quanta est PRÆSULIS in Deum Pietas?  
Sentiant Sacræ Aræ, nôrunt Divina Altaria.  
Nullis illa ignibus magis ardent, quàm PRÆSULIS pietate ignea.  
Nullo gratius thymiamate fumant, quàm Præsulei cordis.

Quanta in Deum PRÆSULIS Devotio?  
Sciunt Divina Tempia, Ædes, sciunt Oratoria.  
Quæ prima totam PRÆSULIS occupavit mentem,  
cor possedit & animum, DEI est Pietas.  
Primo rerum Authori, Fonti bonorum primo,  
totum se PRINCEPS dedit, totum obtulit.

Quod à DEO esse, vivere, & operari accepit, totum  
DEI Gloriæ reddit & impendit perenni.  
Excellentissima corporis sui, animi & fortunæ bona,  
Honores, Dignitates, Sacros suos Ascensus,  
magis esse DEI proficitur, quàm suos.  
Nullus Præsuleo Illius in corde zelus ferventior,  
quàm augendi Divini cultûs & gloriæ, devotionis propagandæ.  
Omni eam propagat stud.ô. & suô maximè exemplô.  
Imminuit se coram Supremo Numine profundissimus.  
Affunditur Divinis Altaribus supplex & prociduas.  
Orat pro se DEUM & pro populo pientissimus.  
Oratio Illius ad DEUM duplex est, altera oris, altera cordis.  
Alloquitur sæpius DEUM sine loquela, precatur sine voce.  
Et gratius est Illi verbum mentis. quàm oris.  
Qui solus est mens purissima.



## Quanta est PRINCIPIS Fides in Regem ?

Novit Aula, Majestas, Orbis novit,  
non solum Polonus, ast integer Europeus.  
Novit optimè AUGUSTUS III. Regum Optimus.

Norunt Regii Principes Regnis dignissimi.  
Novit tota Serenissima Regia Domus,  
gestis Imperii Fascibus à sæculis Augustissima,  
ævo hœc Europæ Regna cognatione complexa,  
Serenissima Propagatione utinam immortalis.

Tali & sic nota PRINCIPIS Fide,  
non Aula, non Majestas candidiorem,  
non Serenissimus AUGUSTUS III. certiore,  
non Principes, non Domus Regia sinceriore,  
nedum expectat, ast nec desiderat,

quâ non tantum majorem, sed nec illi similem,  
Orbis unquam Europeus vidisse potuit,

Sacerrimum Arcanum est,  
illibata nostri PRÆSULIS Sacram in Majestatem Fides.

Vestigalis illam reverentissimè calamus habet,  
scribere eam non præsumit, nec in paginam deducere.

*Ipsa verò etiam si,*

nulla Orbi ex pagina, tamen ex se ipsa sufficienter constaret,

utpotè prudentissimis in consiliis spectata,  
fidelissimis in obsequiis diutius comprobata,  
in magnis, difficilibus perplexisq; manifestata negotiis,  
acceptata Majestati, à Throno æstimata,

Regio Serenissimi Augusti cordi intimè accepta,  
Post Kijoviensem, Cracoviensi coronata Infulâ,  
supra Vavellanos Montes, honorificentissimè provecta,  
Coronanda demùm Galeris, provehenda  
supra Romuleos.

Quan-

## Quantus PRINCIPIS in Patriam Amor?

Unico hoc omnes PRINCEPS complexus amores,  
unico supergressus & superavit omnes  
Ipsa à natura insita omnibus natalis Soli dilectio.  
Vidit tamen aliquando Orbis & stupuit,  
Nerones Romæ, Herostatos Ephesi incendiarios.

## Principi Celsissimo;

Dilectione Patriæ solum post Deum nulla major.  
Suavissima sunt Illi ejusmodi charitatis vincula,  
at simul arctissima sunt & validissima.  
Ligatur ipsis libentissimè, sed tenetur fortissimè.

Quidquid PRINCIPIS est,  
seu Virtus, seu Fortuna, seu Honor,  
id omne carissimæ litavit Patriæ, & esse illius voluit.  
In Tribunali Regni olim Vice-Præsidens,  
Magnus adnunc Polona in Curia Senator,  
exactissimâ inibi Justitiâ,  
hic verò exquisitissimis excelsi animi consiliis,  
utrobiq; summo labore, operâ, curis ingentibus,  
sux obsequebatur & obsequitur Patriæ.  
Præcellam qua pollet Sapientiam, illius utilitati,  
opes quas à Majoribus accepit, Illius subsidio,  
Honores suos Illius ornamento impendit.  
Magnus pro Aris PRÆSUL, Senator pro Focis,  
Totum se Diis Cælitibus, totum obtulit Penatibus.  
Plenissima pietatis viscera in DEUM,  
plenissima charitatis effudit in Patriam.  
Maxima Aquilæ Principi de nido cura,  
Maxima PRINCIPIS sua de Patria.  
Litârunt olim aliqui Patriæ sanguinem,  
At vitam PRINCEPS integram litat.



# Liberalitas Principis et Affabilitas.

Liberalior esset calamus in elogio,  
ubi Magnus PRÆSUL Liberalissimus in beneficio.

At verò.

Libentiùs beneficia PRÆSUL Optimus præstat,  
quàm ea præstita revulgari audit.

Nedum narrari, aut etiam nec videri, nec sciri,  
beneficentissimam suam PRINCEPS liberalitatem vellet,  
nullatenus tamen non videri potest, quam Cœlum videt.

Visenda est plurimis in locis & insignis,

Kijoviensi præsertim in Diœcesi,

in decem suis cum Templis neò erectis Pareciis,

in excitato inibi à fundamentis Seminario,

doteq; perenni sufficientissimè proviso,

in erecto magnificè Episcopali Palatio,

in ipso Episcopatu majoribùs aucto proventibùs,

sola in oculos incurrit, & sola aures hominum implet.

Augustiore eoq; Sacro jubare fulget

in gratiosissima æquè ac Miraculosissima

Augustissimæ Cœli Terræq; REGINÆ,

*Thaumaturga Berdyczovierfi Imagine,*

Cui pretiosissimas ac Splendidissimas Coronas,

piissimò apud Urbem evicit studiò;

liberalissima in Deiparam Matrem pietate,

Solennissimum totâ Russiâ Coronationis celebravit Actum,

devotissimis Kijoviensis Antistes manibùs,

Sacra Virgineo Capiti imposuit diademata.

Splendet inter Religiosas umbras,

inter Claustrorum silentia vocalis est.

Dum pauperum gemitus,

miserorum querelas imminuit, magis auditur.

Arcanam esse optabat PRINCEPS, nam Ipse est,

Grande liberalis Misericordiæ Arcanum.

Soli



**Soli simillimum Principem Liberalitas fecit.**

Incomparabilis Affabilitas, addidit aliquid supra solem.

Effundit suam in omnes beneficentiam, sicut Sol radios.

Allucet sicut Sol æquè Montibus ac collibus.

**Præfuleæ verò Majestatis fulgore,**

nunquam intuentium lædit oculos, sicut Sol lædit.

Pontificia Illius Purpura à congenito Purpuris colore aliena.

Fulget Sacerrimæ Dignitatis splendore, & neminem perstringit,

**Præfulei et Senatorii,**

**In maxima Honoris Luce,**

mitissimum frontis benignæ jubar omnium oculis affundit.

Quam Peraugustæ in Cunis Licinæ, primo cum lacte suxit,  
eam in Summo culmine miram in omnes benevolentiam servat.

Celsissimo è Fastigio etiam ad minimos se demittit,

etiam minimis humanissimè se communicat.

Nemini se negat, neminem ab accessu arcet, à conspectu excludit.

Facillimam ad aures admissionem exhibet,

ad cor benignum ab auribus.

**Aliis profectò magnis suis virtutibus,**

Superavit Princeps hominum maximos, at benignitate cordis,

affabilitate animi, Ipsos accedit ad Deos;

**Quibus maximè peculiare est,**

confugientes recipere, orantes audire, postulantibus benè facere.

Summa hæc in Magno Principe virtus,

**Præfulearum sit Summa & Compendium Virtutum.**

Merita verò Præfulis sigillatim ne quæras.

Quorquot insinuatas Illius legisti Virtutes,

tot singularia tot distincta merita habes,

Moritoria est quævis, & PRINCEPS unaquaq;

plurimum meruit, & eousq; mereri non desinit,

de Religione, Ecclesia, Patria,

de Rege, Regno, Civibus.



Jam ergò

Regio præstantissimarum Virtutum tramite,  
Regali à Præcelso Sanguine, & Serenissima Affinitate; Via,  
progredere Tuam ad Cathedram fortunatissimus,

MAGNE PRINCEPS,  
PRÆSVL OPTIME.

Regum Urbs, Metropolis Regni,

Portas Tibi suas aperit, Cives & Populus corda,  
submittit Coronatos libens Vavellus vertices,  
Coronatorum Caputum Delicio.

*Custodes SZCZEPANOVII Aquilæ,*

quam præstolabantur latantes excipiunt Tuam.

Regni Schola Universitas,

Affini Scepbris Principi,

sua maximam in venerationem componit,

*Faventissimum Te Suum*

CANCELLARIUM

devotissimò consalutat Studiò,

& Quem ad præsens,

inter publica gaudia & plausus,

Vavellanos spectat Ascendentem Montes,

quantocyùs in Quirinis videre


Culminantem exoptat.





2.9.

Biblioteka Jagiellońska



stdr0009374



